

~~5005~~

পোখুর চিঠি




LIBRARY West Bengal

6846

6846

(2)



প্রথম
সংস্করণ :
৭ই অগ্রহায়ণ, ১৩৬১

এক টাকা
আট আনা

প্রচ্ছদসম্বন্ধা :
অজিত গুপ্ত

দ্বিতী
বৈশাখ

প্রকাশক : শ্রীজিতেন্দ্রনাথ মুখোপাধ্যায়, বি. এ.
৯৩, হারিসন রোড, কলিকাতা ৭

মুদ্রাকর : শ্রীত্রিদিবিশ বসু, বি. এ.
কে. পি. বসু প্রিন্টিং ওয়ার্কস্
১১, মহেন্দ্র গোস্বামী লেন, কলিকাতা ৬



5005



সি

উৎসাহ

প্রণব হালদারের হাতে
“মেজদাহ”





আমি তখন পুরীতে পোস্টমাস্টার ।

একদিন নিজের চেয়ার ছেড়ে অফিসটা পরিদর্শন করতে করতে মেল-সটারের কাছে গিয়ে দাঁড়িয়েছি, সে একটা চিঠির ঠিকানা পড়তে পড়তে একটা পিয়নের দিকে চেয়ে বললে, “আবার সেই চিঠি । লোকটাকে পেয়েছ ?”

উত্তর হোল, “না ।”

“জমিয়ে চলে যাও ডেড্‌লেটার-বোর্ডে, কি আর করা যাবে ?”—বলে চিঠিটা তার দিকে ছুঁড়ে দিলে । “দেখি ঠিকানাটা ?”—বলে আমি সেটা চেয়ে নিলাম ।

পোন্মুর চিঠি

একটি লম্বা সরকারী খাম, বেশ ভারী, ঠিকানার দিকে কাঁচা মোটা মোটা অক্ষরে লেখা :

ভগবান

জগন্নাথের মন্দির

পোষ্টাপিস পুরী ।

টিকিটের ওপর কলকাতার ছাপ ।

উলটে-পালটে মনে হোল কলিকাতা থেকে কোন উৎকলী পাচক-ব্রাহ্মণ মন্দিরের কোন পাণ্ডাকে লিখছে যেন : মনিব বোধ হয় সরকারী চাকরে, তার টেবিল থেকে খামটি সরিয়েছে ।

পিয়নকে প্রশ্ন করলাম, “ভালো করে খোঁজ নিয়েছিলে ?—ভগবান মিশ্র, কি ভগবান ত্রিপাঠী, কি ভগবান চতুর্বেদী...”

“নিয়েছিলাম হুজুর, কেউ নেই ও-নামের, মন্দিরে বা আশে-পাশেও ।” একজন বললে, “শহরেই নেই কেউ, ডেড্‌লেটার-বোর্ডে বোধহয় খান সাত-আট চিঠি জমা হয়েছে ।”

“এনে দাও তো আমায় ।”—বলে চিঠিটা নিয়ে নিজের টেবিলে গিয়ে বসলাম ।

একটু কুণ্ঠা যে না হোল এমন নয়, তারপর সেটুকু কাটিয়ে এক এক খানা করে খাম ছিঁড়ে ফেলে চিঠিগুলো পড়ে ফেললাম ।

দেখলাম কিছু অত্যাঁয় হয়নি, চিঠি খোদ ভগবানকেই লেখা, কোন মানুষকে নয় । চিঠির যেমন অক্ষর তেমনি বানান । ভগবানকে যে ছেলে চিঠি লেখবার সাহস রাখে তার বানানে বেশি কারসাজি করতে সাহস হয় না, শুধু, তোমাদের বুঝতে যাতে বেশি বেগ পেতে না হয় সেইজন্তে একটু এদিক ওদিক করে দিলাম । চিঠিগুলি এই :

পোতুর চিঠি

ভগবান।

আগে একটা কথা জিগোস করচি, তোমার মন্দির খুব ভালো তবে তোমাদের তিনজনের চেহারা ওরকম কেনো। আমার আগে বড্ড ভয় করেছিল, মাকে জিগোস করেছিলুম। মা বললে ছিঃ ওকথা বলতে নেই, তোমরা খুব সুন্দোর মনে করতে হয়। সন্তি বলচি ভগবান তার পর থেকে তোমায় খুব সুন্দর মনে করচি, সন্তি, সন্তি, সন্তি, এই তিনসন্তি গাললুম। তিনি সন্তি খুব সুন্দোর, রাগ কোরো না নক্ষিটি আমার। এখানে এসে পজ্জন্ত তোমার জন্তে ভীষণ মন কেমন করচে। মাসটার মোসাইয়ের কাছে একটুও পড়তে ইচ্ছে করে না। মন কেমনের জন্মে। আমার মনের কথা জানতে পেরে যে তুমি মাসটার মোসাইকে অশুকে পড়িয়ে দিয়েছিলে সেটা আবার ভালো হয়ে গেছেন, কাল থেকে আবার পড়াবেন বলেছেন। তুমি আমার মনের সমসতো কথাটা বুঝতে পারো নি নাকি ভগবান?

না, ভগবান রাগ কোরো না, তোমার সন্তি বড্ড দয়া। তুমি কাকার অশুখ সারিয়ে দিয়েচ, দাছুর এমন খারাপ মকদ্দমা জিতিয়ে দিয়েচ, হারুদাকে নতুন বেটবল কিনিয়ে দিয়েচ, তার পুরোনো বলটার জন্মে আমার বাকসটা খুঁজতে দাও নি। তুমি যে যা চায় তাকে তক্ষুনি তাই দাও সেই জন্মে তোমায় একটা কথা বলচি ভগবান। আমাদের বাড়ীর সর্ব্বাই বলে তুমি সর্ব্বার মোনোসকামনা পুরনো করো, বোঁদিদিও সেই কথাই বলে, মিথ্যে বলচি না। সেই জন্মে তোমায় কানে কথাটা চুপি-চুপি বলচি ভগবান। আমাদের বাইরের ঘরে দাদাদের কেলাব হয়। ছোড়দাদের কেলাব মানে ফুটবল খেলা। ছোড়দা হাকব্যাকে খেলে। ইন্ কেলাব মানে সিন্দুবাদ।

পোন্মুর চিঠি

ঘাড়ে রাকোস থাকে না তবে একটা কোরে পতাকা থাকে ভগবান। রাস্তায় রাস্তায় ঘুরে বেড়াতে হয়। দাদাদের কেলাব মানে চা খাওয়া চানচুর খাওয়া তাস খেলা আর ঠিয়েটারের রিহারসেল। এক একদিন অহিংস আনদোলনও হয়। একদিকে থাকে রমনিকাকা, পান্নুদাদা আর ওদের সবাই। একদিকে থাকে দাদাদের অপিসের বলাইদাদা, ধীরেনদাদা, ঘোষালদের ওবিনাস আরও সবাই। আর একজন ওবিনাস আচে কিনা তাই ও রোগা বলে ওর ভালো নাম হাংলা-ওবিনাস। হাংলা-ওবিনাসেরা বলে চরকা খারাপ খন্দোর খারাপ যাযাঃ তোদের গান্ধীর মতন ঢের দেখেছি। রমনিকাকা অহিংসদের লোক কিন্তু রেগে গেলে বাপকেও ছাড়ে না। বলে আমায় ছ'ঘা জুতো মারো কিন্তু চরকা খন্দোর আর গান্ধীজির নিন্দে যে কোরবে তার জিব উপড়ে নোব। রমনিকাকার ভাই আমাদের কেলাসে পড়ে। সে বলে দাদাতো হাংলা-ওবিনাসকে বলে নি। সে মানুষই নয়। যে কোরবে নিন্দে তাকে বলেচে। যখন ছুদিকে হাত গুটোয় ভেতর থেকে দাছ এসে থামিয়ে দেন। বলেন ঢের হয়েচে তোমাদের অহিংস আনদোলন। এইতেই মহান্দ্দা ছুহাত তুলে আসিববাদ কোরবেন তোমাদের। তারপর রিহারসেল শুরু হয়। এক একদিন দাছ থাকেন না কেউ থামাতে পারে না অহিংস আনদোলন। রিহারসেলও বন্ধো থাকে।

ভগবান, বৌদিদি খুব ভালো।

হ্যাঁ একটা কথা বলতে ভুলে গেলুম। ছোড়দাদের কেলাবে এক একদিন ম্যাচ হয়। তাতে ফিল্ডের মধ্যে ছোড়দারা খেলে রেফ্রি ইইসিল বাজিয়ে বেইমানি করে আর বাইরের সবাই তাকে গালাগাল

পোন্সুর চিঠি

দেয়। আমি কখনও দিনা গালাগাল, সন্তি সন্তি সন্তি এই তিন সন্তি গাললুম। কখনও আরাল থেকে ঢিলও ছুঁড়িনি সাইকেলে আলপিনও বিঁদে দিনি।

বৌদিদি খুব ভালো ভগবান কিন্তু একটা ভারি হুঃখু বৌদিদির। থামো তোমায় তা বলচি। দাদাদের কেলাবে খুব বড় আরসি আচে একটা। চুল আঁচরাবার জন্মে আর রিহারসেল দেবার জন্মে। সোনদের সময় নয়। যেদিন অপিসে ছুটি থাকে দাদা আরসির সামনে দাঁড়িয়ে কাগজ হাতে করে একলা পাট বলে। খুব বীররস করে গৌপ পাকায় চোখ রাঙায় এক এক সময় পতনোমুর্ছা করে। দাদা যাযা করে আরসিতে ঠিক তাই তাই হয়। দাদা দোর বন্দ কোরে করে ভগবান কাউকে দেখতে দেয় না। ফিলিং নষ্ট হোয়ে যাবে বলে। জানলায় যে একটু ফাঁক আচে তার ভেতোর দিয়ে জগু মিনু তুতি বাঁটুল সবাই দেখে। আমি কখনও দেখিনা ভগবান। সন্তি সন্তি সন্তি এই তিন সন্তি গাললুম। হাজার হোগ দাদা গুরুজন তো ভগবান তুমি রাগ করবে তো অবাধ্য হোলে? বলোনা। দাদা বাইরে যেমন যেমন করে আরসিতে ঠিক তেমন তেমন হয়। তুমি যদি দেখো তোমার মনে হবে এই বুঝি বাইরের দাদাতে আরসির দাদাতে অহিংস আনদোলন লেগে গেলো।

পরশু আমাদের ছুটি ছিল আমাদের পেসিডেন্ট মারা গেলেন কিনা। আহা ভগবান বুড়ো মানুষ কষ্টো পাচ্ছিলেন তুমি ভালো করে দিলে না কেন। জগু মিনুদের মতোন আমার ছুটিও ভালো লাগেনি ছেরাদে নুচি সন্দেশ খেতেও ভালো লাগবে না ভগবান। কক্ষনও নাকি লাগতে আছে ভালো, হিঃ।

পোতুর চিঠি

একটুও ভালো লাগছিল না বোলে আমি দাদাদের রিহারসেলের ঘরে গিয়ে চুপটি করে শুয়েছিলুম। ওটা আমাদের আবার বাইরের ঘর কিনা। কেউ এলেগেলে থাকে। রিহারসেল বন্দো রাখতে হয়। তা দাদার চটলে কি হবে বলো ভগবান পিসিমা কি মিছে বলেন? আর ঘর কোথায়? এই জুখের বাজারে ঘর তোলা কি সহজ কথা। সম্বর তো চোরা কারবার করে পেট মোটা করচে দিগ না জামাইকে একটা ঘর তুলে। জামাইও যে সেই রকম। মোচর দিয়ে আদায় করতে জানতে হয়। তা নয় খালি ঠিয়েটার আর ঠিয়েটার।

আহা ভগবান বৌদিদিকে এসব কথা জানতে দিও না। ভাগ্যিস বৌদিদি সেদিন বাপের বাড়ী গেছলো নাহলে কতো কষ্ট হতো বলো- দিকিন বাবার নিন্দে শুনলে। অনধোকে কি অনধো বলতে আছে, খোঁড়াকে কি খোঁড়া বলতে আছে, কারুর পেটমোটা বাপকে কি পেটমোটা বলতে আছে।

এমন সময় বৌদিদি এসে ভেতরের দিকের দোর দিয়ে ঘরে ঢুকলো। চুপি চুপি ঘরে ঢুকলো। আমি ততক্ষণে ভেতর ঘরে সেকল খোলার শব্দ শুনে চোঁকি থেকে তুড়ুক কোরে নাপিয়ে বাইরের দোর দিয়ে পগার পার। কেনো বলব, বৌদিদি জানলে পালাতে বয়ে গেছে। মনে করলুম বুঝি দাদা। পিসিমা মিছে বলেন না বিয়ে হয়ে ওবদি অপিস পালালে রোগ হয়েছে ছেলের। মনে করলুম বুঝি তাই। তারপর চনডিমোনডোপের আরাল থেকে উঁকি মেরে দেখলুম ছৎ দাদা কৈ এতো আমাদের বৌদিদি। বৌদিদি বাইরের দিকে গলা বাড়িয়ে দেখে বললে—কে র্যা? তারপর থামের আরালে আমায় দেখতে

পোন্সুর চিঠি

না পেয়ে ভাবলে কৈ কেউ নেই তো। তারপর আর একবার দেখলে তারপর দোর বনধো কোরে দিলে।

ভগবান তুমি রাগ কোরো না নক্ষিটি। আমি জানি বৌদিদি গুরুজন কিনতু সেরকম গুরুজন নয় কিনা তাই উত্তর দিই নি। তোমায় বলচি। গুরুজন অনেক রকম হয়। মার খাবার গুরুজন যেমন থার মাসটার আর সেজকাকা। পা টেপবার গুরুজন যেমন দাছ আর ঠাকুমা। আদর করবার গুরুজন যেমন মা আর সেজো কাকিমা আরো সবাই। গালাগাল দেবারও গুরুজন আছেন ভগবান। তিনি সব্বোদা থাকেন না। এলে সবাই খুব যতনো করেন, ঠাকুমা মা কাকিমারা পা ধুয়ে দেন ছুচি হয় ছোলার ডাল হয় আলুর দম হয় পায়েস হয়। বিদায় হোলে মা কাকিমারা বাবা কাকা সবাই বলেন শেষকালে গাঁজাখোর হোল, ছিঃ। অমন বাপের অমন ছেলে, কুলাংগার। ঠাকুমা বলেন বলতে নেই, গুরুপুস্তুর গোকরো সাপের ড্যাঁপ। একটা সাপমন্তি দিলে তখন কি হোতে কি হোয়ে যাবে।

বৌদিদিরা ভগবান ঠাট্টা করবার গুরুজন তাই উত্তর দিনি। অম্ম গুরুজন হোলে দিতুম উত্তর। সত্তি সত্তি সত্তি এই তিন সত্তি গালচি ভগবান। বৌদিদি যখন দোর দিলে আমি গুটি গুটি বেরিয়ে এসে জগু মিনুরা দোরে যেখানে চোখ দিয়ে দাঁড়ায় সেইখানে চোখ দিয়ে নক্ষি ছেলেটির মতন দাঁড়ালুম। রোস তো রে দেখি বৌদিদি কি করে। যদি ঠিয়েটারের আলমারি থেকে নবেল নাটোক নিয়ে পড়ে তো বলব পয়সা দাও নয়তো দাদাকে বলে দোব। ওসব কখনো বৌমানুসদের পড়তে আছে ভগবান। গোপ্লায় যাবে না তাহোলে ?

আহা ভগবান বৌদি আমাদের হিরের টুকরো তাই জন্মেই বলচি

পোহুর চিঠি

ওর মোনোসকামনা পুরনো কোরো। আলমারির দিকেও গেল না। নক্ষি বৌটির মতন চৌকি আলমারি ঝকঝকে তকতকে করে গুচিয়ে আরসির সামনে এসে দাঁড়িয়ে রইল। অনেকক্ষণ দাঁড়িয়ে রইল। আমি ভাবলুম ভালো রে ভালো বৌদি এতক্ষণ ঠায় দাঁড়িয়ে হাত-ঘোড়া কি দেখছে। ডাকব নাকি। ডাকব বলে হাঁ করেচি এমন সময় একি বৌদি দাদার মোতোন পাট বলতে আরম্ভ করেচে যে ! কি পাট শুনিতো বলে দোরের ফাঁকে কান দিতেই ওমা এয়ে অরজুনের পাট। দাদা নিয়েচে ভিমের পাট সব্বোদা বলে ভগবান যখন বাবারা কেউ থাকেন না। ঘুমিয়েও বলে ভগবান। সিদিন রাত্তিরে বৌদিদিকে সাবাড় করেছিল আর একটু হোলে। বৌদি দোর খুলে পালিয়ে এলো তাই রক্ষে। পিসিমা বলেন হ্যাঁগা এরোগের কি ওসুদ ? ছুসসাসন বোলে বৌটাকে ঘুমের ঘোরে টিপে ধরলে গা। এ ছেলের কি হবে ? তোর ভিমের পাটের নিকুচি করেছে।

ভগবান মেয়েরা পাট করলে গোলায় যায় কিন্তু সত্তি বলচি তোমায় বৌদিদি আমাদের সেরকম নয়। কি করবে বলোনা আহা। দাদা যদি ভীম হয়ে ওকে টিপে মেরে ফেলতে যায় রকতো খাবো রকতো খাবো বলে তো বৌদিদি একটু অরজুনও না হলে কি করে বাঁচবে ভগবান ? তুমিই বলো না। পতি পরমগুরু বোলে এক ঘরেই শুতে হয় তো বোচারিকে ? না ভগবান তুমি কিচ্ছু রাগ করো না বৌদিদির ওপর।

বৌদিদি অনেকক্ষণ বিররস করলে ভগবান। তারপর চুপ করে দাঁড়িয়ে গেল। আমি ভাবলুম ডাকব নাকি এবার। এমন সময় দেখি মিটি মিটি হাসচে। আরসির বৌদিদিও হাসচে ভগবান ছুজনে একই তো। আমি ভাবলুম ভালো রে ভালো বৌদিদি ওরজুনের পাট

পোহুর চিঠি

করতে করতে হাসচে কেন। এমন সময় বৌদিদি ঘুরে রিহারসেলের আলমারির কাছে গেল। দেখি তো কি করে। পেরেকে চাবি টাঙানো আসতে আসতে খুলে চুলের পৌঁটলাটা বের করলে। ভগবান সুন্দু তোমায় বলচি আর কাউকে বলিনি কাউকে নয়। তুমি তো সবই জানতে পাও। পৌঁটলাটা খুলে বৌদিদি আর কিচ্ছু নিলে না ভগবান, আর কিচ্ছু নয় সন্তি বলচি। সুন্দু একটা গোঁপ বের করে নিয়ে



আরসির সামনে দাঁড়িয়ে সেটা পোরে নিয়ে ওরজুনের মোতন বেঁকে বুক ফুলিয়ে দাঁড়াল। এমন সময় আমি হেঁচে ফেললুম ভগবান। শুভো কাজে হাঁচতে নেই। কিন্তু পিসিমা বলেন হাঁচি টিকটিকি সঅং বিধেতা পুরুসের হাতে। আমি অবোধ বালক কি করব ভগবান?

পোতুর চিঠি

একুনি মাসটার মোসাই আসবেন নৈলে তোমায় আরও সব নিকতুম। স্বদু একটা কথা তোমায় বলি। বৌদিদিকে একজোড়া সত্যিকার গোঁপ দিও ভগবান। আহা বেচারি বড় ভালো গো। সেই থেকে কি মুকচুন করেই যে থাকে দেখলে কষ্ট হয় এত। আমায় জিগেস করেছিল ছকুরবেলা বাইরে কে দাঁড়িয়ে ছিল জান ঠাকুরপো? শুভ কাজে হেঁচে দিলে মোনোসকামনা পুরনো হয় না তো ভগবান তাই মুকখানি চুন করে ঘুরে বেড়াচ্ছে। আমি বলিনি। ঠিক করেচি একেবারে তোমাকে পেরারখোনা করব।

আহা দিও গোঁপটুকু ভগবান। মোনোসকামনা পুরনো কোরো বেচারির। এখন যদি তোমার ছুটি না থাকে তো বৌদিদির সাদের সময়েও দিও ভগবান, আহা দিও। বড় দুখিনি গো। ইতি—

দাস

প্রণব



ভগবান

একটা কথা কেউ জানে না। তীরভূবনে কেউ না। তা বলে তোমার কথা বলচি না ভগবান। তুমি তো সব জানো সব্বাইকে ভালোবাসো সব্বার মোনোসকামনা পূরনো করো। বৌদির কথাটা মনে আচে তো ভগবান? আহা ভুলো না যেন।

তুতি মিন্ধু বাঁটুল বলে যাযাঃ তোর বৌদির গোঁপ হবে না হাতি, তাহলে ভগবান কেন ওকে বেটাছেলে করে গোড়লে না। তুতি মিন্ধু বাঁটুলের যা বুদ্ধি। তুমি বৌদিকে বেটাছেলে করে গোড়লে দাদার শালা হয়ে যেত না ভগবান? পিসিমা বেটাছেলে হোলে পিসেমশাই হোয়ে যেতো না?

একটা কথা যে কেউ জানে না বলচি সেটা ঠাকুরদাদা আর ঠাকুমার কথা। আমি সিদিন যখন ঠাকুমাকে জিগগেস করলুম ঠাকুরদা তোমার কে হন ঠাকুমা মিচি মিচি করে ঐ কথা বলেছিলেন আমায়। এখন আমি সব জানি। ঠাকুরদাদাও ঠাকুমার ঠাকুরদাদা নয় আর ঠাকুমাও ঠাকুরদাদার ঠানদিদি নয়। ঠাকুমা তো বুড়ো হোয়েচেন, এবার কোন দিন যা মুখে আনতে নেই তাই হোয়ে যাবেন। তবু কেন মিচে কথা বলেন ভগবান? তাহলে সগ্গে না গিয়ে গুরু-জনদের নিয়ে যা মুখে আনতে নেই যমদূতেরা সেইখেনে নিয়ে যাবেনা? ঠাকুরদাদা আর ঠাকুমা আসোলে বর আর বউ ভগবান দাদা আর বৌদির মতন। এবার আমি কেমন করে জানলুম তোমায় বলি শোন।

ভগবান, বেটাছেলেদের বিয়ে হয় বিয়ে পাস করলে, চাকরি

পোহুর চিঠি

করলে আর বকাটে হয়ে গেলে। বকাটে হয়ে গেলে খুব তাড়াতাড়ি বিয়ে হয়ে যায়। মেয়েদের বিয়ে হয় ধিংগি হয়ে উঠলে। নলিত ঘোসের ছেলে পনচানন বকাটে মেরে গেছিল আর বোসপাড়ার নাটু বোসেদের মেয়ে মালোতি ধিংগি হয়ে উঠেছিল তাই গেলো রোববার স্ববো লগনে ওদের দুজনের বিয়ে হোয়ে গেল। নলিত ঘোস বৌভাতে খুব ঘটা করলে। চারিদিকে রব উঠে গেল। উনোরটা ছনোয় বেচে চোরাবাজারে অমন ফেঁপে উঠেচে দুটো নোক খায়েচে তার আর এত হৈঁচে কিসের রে বাপু? পাপের টাকা পেরাসচিত্তিরে যাবে না? আর ঐ তো ছেলে। ভদ্র-ঘরের মেয়ে পেয়েচিস এই ঢের।

আমার সব কথা মনে নেই ভগবান। তুমি তো হাওয়ার মতন সবোত্রো যেতে পার। আমাদের চোনডিমনডোপে সোনদের সময় একবারটি এসো না মাটির রূপ ধরে। সব শুনবে।

আমাদের সবারও নেমন্তন্ন ছিল ভগবান। বেটাছেলেদেরও আবার মেয়েদেরও। সেবারে পালচৌধুরীদের বাড়ি থেকে ফিরে পিসিমা বললে পোড়াকপাল বড়লোকদের বাড়ি নাকি আবার নেমন্তন্ন খেতে যায়। গয়না দেখে খাওয়ার বোবোস্তা। তখন বৌদিদির বিয়ে হয়নি ভগবান। এখন বৌদিদির অনেক গয়না।

সবাই বেটাছেলেদের সঙ্গে খেতে গেল। আমি বৌদিদির পাশে বসব বলে মেয়েদের সঙ্গে গেলুম। বৌদিদি বললে তাই চলো ঠাকুরপো। তারপর চুপি চুপি বললে, শোন ঠাকুরপো আমার যখন কিছু চাইবার ইচ্ছে হবে বলব এই এর পাতে দাও, বেশ তো? কনেবৌদের কখনও হাংলার মোতোন আমার পাতে দাও বলতে আচে ভগবান? নজ্জা মেয়েদের ভুসোন নয়? কলেজেপড়া আত্মনিকাদের

পোহুর চিঠি

খুরে খুরে নোমোসকার নয় ? আমার সব কথা মনে নেই ভগবান । পিসিমা যখন বলেন তুমি মাচি হয়ে এসে শুনোনা আরও কি কি সব আছে । চারপো কলির আর বাকি কি ভগবান ? দিদির বয়সে পিসিমা ছুটো ছেলেকে মানুষ কোরে তিনটেকে নিয়ে পড়েচেন । আর এখন ? ছুটো পাশ তিনটে পাশ । ঘেন্নায় মরি ।

প্রথম ব্যাচটা ফসকে গেল । বৌদিদি আর দিদি পনচাননের বৌদিদি আর মিস্তিরদের পান্নুদিদি সবাই ছাতের একধারে গিয়ে নতুন বৌএর নাক আর গয়নার পেটারেন নিয়ে গল্প করছিল । ওদের সব ভাব আছে কিনা । আরও সবাই ছিল ভগবান তাদের নাম জানি না । এমন সময় মেয়েদের জায়গা হয়েচে বলে ডাক পড়ল । আগে নতুন



বৌয়ের নাকের নিনদে করে পান্নুদিদি বললে নাক দেখতে হয়তো পনচাননের বৌদির । নাকের মোতোন নাক একখানা । নতুনবৌ কি করে দাঁড়াবে জায়ের পাশে অমন একরঙি বড়ির মোতোন নাক নিয়ে ? তারপর পনচাননের বৌদিদি পান্নুদিকে বললে আর তোমার

পোহুর চিঠি

নিজের নাক ? ঠিক বাঁশিটির মোতোন নয় ভাই ? আমার বৌদিদিকে জিগগেস করলে । বৌদিদি বললে হ্যাঁ পোহুর মোতোন নাক এ তল্লাটে দেখা যায় না এক পনচাননের বৌদিদি ছাড়া । তারপর পনচাননের বৌদিদি বললে আর তোমার নাকটিও চমৎকার ভাই বেশ টিকোলো । পোহুদিদি বললে ঠিক টিয়ে পাকির ঠোঁটটি মোতন । তারপর দিদির দিকে চেয়ে বললে আর তোমার ননদের নাকটিও ফেলা যায় না । আর একটি মেয়ে বললে হ্যাঁ যেন তিলফুলটি তুলে বসিয়ে দিয়েছে কে । আর্টজন ছিল ভগবান । সব্বাই সব্বাইয়ের নাককে তিলফুল বাঁশি আর টিয়ে পাকি বলে সুকথিত করতে করতে ওদিকে ছড় ছড় করে সব আসন ভোরতি হয়ে গেল, যাঃ ।

✓ তুতি মিহু বাঁটুল হোলে ভাঁক কোরে কেঁদে ফেলত । আমি কোনমতে কোনমতেই কেঁদে ফেললুম না ভগবান । যখন হুচির গনদো বেরুল ওদিকে অনদোকারে সরে গিয়ে চোকছুটো মুচে ফেললুম আবার মুচে ফেললুম আবার মুচে ফেললুম । নেমন্তন্ন বাড়িতে ভাঁক করে কেঁদে ফেলতে আচে কখনো ছিঃ । তারপর পনচাননের বৌদিদি বললে এবার আমি ওদিকে যাই ভাই খোঁজ পড়বে । তারপর চলে গেল । তারপর পোহুদি বললে দেখেছ কানডো ? নতুন জা হোল ছোট দেওরের বৌ তার নাক নিয়ে এত হিংসে । কি এমন খারাপ নাক ভাই ? বৌদিদি বললে ওঁর মোতোন সব্বাই উটনাকি হোত তো বডডো ভালো হোত । আর একজন বললে তাই না তাই নাক না খাঁড়া । মাকালী উচিয়েই আচেন । সব খিল খিল কোরে হাসতে লাগল । আমার এত আল্লাদ হোল ভগবান । মনে মনে বললুম হে মা কালী হে মা ছুগগা এবার সব্বাই আগেকার কথা

পোহুর চিঠি

ভুলে গিয়ে সন্ধ্যার নাককে ঐরকম বিচ্ছিরি বলুগ। নারোদ, নারোদ।

এমন সময় জগু এসে বললে তোকে তোর দাদা বাইরে ডাকচে। জিগগেস করলুম কেন রে? বললে ওদের কেলাবের সবাই ফাস্ট ব্যাচে জায়গা পায়নি বলে ভয়োংকোর চোটে আছে, নলিত ঘোসকে রাবরি আর চিংরিমাচের কালিয়াতে ফেল করাবে। একজামিনে ফেল মানে তিরিসের কম পাওয়া ভগবান আর নেমন্তন্নর ফেল মানে একেবারে কিছু না থাকা। এগজামিনে ফেল হয় মাষ্টার একচোখে বোলে। নেমন্তন্নর ফেল হলে যারা পরিবেসোন করে তারা হ্যাঁ আনচি হ্যাঁ আনচি কতো খাবে বোলে আর আসে না। তখন পান নিয়ে রাস্তায় যেতে যেতে সবাই খুব নিন্দে করে। বলে অত নেমন্তন্ন না করলেই পারতিস। অত বড়মানসি কোরতে গেলি কেন? আরও সব অনেক কথা। চোনডিমোনডোপে উটতে উটতে গোসাঁই ঠাকুরদা বলে ওরে সোমভু একটু বেশি করে তামাক সাজিস কাল বড্ড খেয়েছি হজম হয়নি এখনও। তারপর অনেক গপপো হয় সবাই খুব হাসে। আমাদের বলে তোরা ছেলেমানুস স্তনতে নেই।

দাদারা খুব রেগে তাস খেলছিল। দাদা আমায় বললে পোহুর তোকে একবার বাড়ি যেতে হবে। তারপর সবার দিকে চেয়ে বললে কি বলে টাকারটা বের করা যায় বলদিকিন। সবাই তাইতো বলে মাতা দোলালে তারপর দাদাই বললে হয়েচে বাবাকে বলবি দাদা বৌয়ের মুখ দেখার টাকাছুটো হারিয়ে ফেলেচে ছুটো টাকা চেয়ে পাটিয়েচে। হাঁ কোরে দাঁড়িয়ে রইলি যে? যা না, আরে মোলো।

আর কাউকে বলিনি। তীরভুবনে কাউকে না। শুছ তোমায়

পোন্নুর চিঠি

বোলচি ভগবান আমার সন্তি কান্না পাচ্ছিল। গেলে এ ব্যাচটাও ফসকে যাবে না? খুব বেশি কোরে খেতে পারব বলে বিকেলের খাবার তুতিকে দিয়ে দিয়েছিলুম, বজ্র খিদে পেয়েছিল। তারপর দাদারা যদি চিংরি মাচ আর রাবরিতে ফেল করায়? কিন্তু নেমন্তন্ন বাড়িতে ভাঁক করে কেঁদে ফেলতে আছে কখনও? ছিঃ! তাই আমি কোন মতে কোন মতেই কেঁদে ফেললুম না। নলিত বোসেদের গেটের কাছে এসে একবার চোখ মুচে নিলুম, আরও একবার মুচে নিলুম, তারপর সেকেন ব্যাচ ফোসকে যাবার ভয়ে তাড়াতাড়ি রাস্তায় চলতে শুরু করেছি জগু এসে বোললে ওরে পোন্নু জানিস? আমি বললুম কি? জগু বললে তোর দাদার টাকা হারায় নি। ওরা পানে সিঁচি পুরে পান খেয়ে পাতে বসবে। হ্যাঁ, সন্তি আমি দেখলুম গ্যাড়া শিবু টাকা নিয়ে সিঁচি আনতে গেল। উম্ তোর দাদা কি মিথ্যেবাদিরে, আমি যদি জানলার নিচে থেকে না শুনতুম?

কারুর খুব খিদে পেলে তারপরে ফার্স্ট ব্যাচ ফসকে গেলে তারপর সেকেন ব্যাচ ফসকে যাবে বলে ভয় করলে তার গুরুজনের কখনও নিন্দে কোরতে আছে ভগবান? দাদাকে মিথ্যেবাদি বলতে আমার তাই যে কি কস্ট হোল তোমায় কি বলব। নেমন্তন্নর যে কান্নাটাকে কোনমতে কোনমতেই বেরুতে দিনি সেটা হুস কোরে বেরিয়ে পরলো। তখন জগু আমায় জড়িয়ে ধরে বললে তুই কাঁদচিস পোন্নু? কাঁদিসনি, তোর দাদা তোকে নেমন্তন্ন থেকে পাটিয়ে দিলে কিনা তাই বললুম মিথ্যেবাদি। ভাবলুম পোন্নুর তাহলে বেশ একটু আল্লাদ হবেখন। নৈলে বামনদের কি মিথ্যেকতা বললে দোষ থাকে! পৈতে হয়ে গেলে বামনদের মিচে কথা বললে আর যুধিসঠিরের মতন ধারমিক

পোহুর চিঠি

হয়ে গেলে রাজাদের ইতি গজো বলে মিচে কথা বললে দোষ হয় না।
শুনিসনি যাত্রায় ? তুই চুপ কর।

বাবা বাড়িতে ছিলেন না। তাই বলে দাদা বেশ টাকা পেলে না
সিদ্ধি খেয়ে বেশ চিংড়ি মাচে আর রাবরিতে ফেল করতে পারবে না
এই সব মনে করে খুব আল্লাদ হোতে আচে ভগবান ? ছিঃ।
দাদা গুরুজন নয় ? আমি মনে মনে খুব কস্টো হোয়ে একটুও
তাড়াতাড়ি না কোরে নেমন্তন্নয় ফিরে যাচ্ছিলুম এমন সময় ওকি
দাদার ঘরে বাজনা কেন ? দাদা বৌদি হোতায়, বাড়িতে কেউ নেই।
তবে বাজনা বাজায় কে ? ভূত নয়তো রে বাবা ? খুব ভয় করে
আস্তে আস্তে বেরিয়ে আসব এমন সময় ফাঁচ কোরে এক হাঁচি।
এতো ভুতের খোনা হাঁচি নয়। মানুষেরি মোতোন তো। তখন
আস্তে আস্তে রাম রাম বোলতে বোলতে পা টিপে টিপে জানলার
ফাঁকে চোখ দিয়ে যেই দাঁড়ানো ওমা একি, ঠাকুরদাদা যে।

ঠাকুরদাদা দাদার পালংএর ধারটিতে একপা তুলে একপা ঝুলিয়ে
বোসেচেন ভগবান আর দাদার সেতারটা কোলে নিয়ে পিরিং পিরিং
কোরে বাজাচ্ছেন। আর ঠাকুরমা সামনে বসে শুনচেন আর একটু
একটু হাসচেন। তারপর ঠাকুরদাদা একটু হেসে বললেন না আর
আসে না বড্ড হাত কাঁপে। বোলে সেতারটা নামিয়ে রাখলেন। সত্তি
আমি দেখলুম তো ভগবান বড্ড কাঁপছিল হাতছটো। অতো বুড়ো
হয়েচেন তো ? কি দোষ বলো না। তারপর ছুজনে একটু চুপ করে
বসে রইলেন। তারপর ঠাকুরদা একবার চারদিকে চেয়ে ঠাকুরমার
দিকে চেয়ে বোললেন ঘরটা ঠিক সেইরকম আছে না ? তোমার
মনে আছে ? তারপর ঠাকুরমা ঠাকুরদার দিকে চেয়ে একটু হেসে

পোন্সুর চিঠি

বোললেন মনে আর থাকবে না? সব কতা কি ভোলে মানুষসে? ভগবান বুড়ো মানুষসদের নজ্জা হয় ভগবান। হাঁ সত্তি হয় আমি নিজের চোকে দেখলুম তুমি বিস্‌সাস করবে না। দাদার সংগে কতা কইবার সময় বৌদিদির যেমন এক একবার নজ্জা হয় ঠাকুরমারও ঠিক সেইরকম হোলো ভগবান। আমি নিজের চোকে দেখলুম। তারপর ছুজনে চুপ করে রৈলেন আবার। তারপর ঠাকুরদা আবার চারদিকে চেয়ে বোললেন কতদিন হোয়ে গেল সেসব। ঠাকুরমা বললেন হ্যাঁ তা হোল বৈকি। এই ফাগুনে ঠিক পনচাননো বছর পুরো হবে, দিন কি বসে থাকে? তারপর ঠাকুরদা বোললেন সে রান্তিরটার কথা তোমার মনে আছে কিনা জানিনা। ফুলসোয্যের রান্তিরটার কথা। আমি ঠিক এইখেনটিতেই বোসেছিলুম এমন সময় তুমি ঘরে ঢুকলে। নিজে কি আর ঢুকলে? বারোবছরের কোনেবৌ নজ্জাতেই সারা। পেছন থেকে ঠেলে দিতে একগলা ঘোমটা টেনে একটু এগিয়ে এসে দাঁড়িয়ে রইলে। ঠাকুরমা সেইরকম বৌদির মোতন নজ্জায় হেসে বোললেন নাও, অত খুঁটিয়ে নাকি মনে থাকে মানুষসের? তারপর ঠাকুরদা বোললেন কেন আমার তো আছে। উটে বোস না পালাংটাতে। ঠাকুরমা নিচে মোড়ায় বসেছিলেন ভগবান। বললেন কেন? তারপর উটে বোসে বললেন যেন বাই একটা তোমার। আবার ছুজনে চুপ কোরে বোসে রৈলেন। তারপর ঠাকুরদা বললেন সেদিন কি ভাবে পেয়েছিলুম নাতি-নাতবৌ হবে আর ঠিক আমাদের এই পালাংটিই দখল করবে? ঠাকুরমা বোললেন বেঁচে থাকলেই অনেক দেখান ভগবান। আসিব্বাদ করো ওরাও যেন এই রকম দেখে একদিন। আবার একটু চুপ কোরে রইলেন

হুজনে। ঠাকুরদা সেতারটা আবার তুলতে গিয়ে হাতটা সরিয়ে নিলেন তারপর বোললেন আসিব্বাদ তো অসটোম্পোহোর কোরচি। সুহু এইটুকু ভাবি আমাদের বিচ্ছেনার মজ্জদা কি এরা রাখবে সেইরকম কোরে? আজকাল এদের যেন কেমন কেমন ভাব। আটা নেই। বাইরের পাঁচটা জিনিস নিয়েই ছড়োছড়ি। তুমি একটু সোরে এসো না আরও।

ঠাকুরমা সরে এলেন না ভগবান। একটু একটু হাসতে হাসতে নেবে গিয়ে বিচ্ছেনার ওকোণ থেকে চাদরটা তুলে ছটো মালা বের করে নিয়ে এসে সেইরকম বৌদির মোতোন একটু একটু নজ্জায় হাসতে হাসতে বোললেন এই দেখো মোজ্জদা রাখচে কিনা। আজ ফুল-সোয্যের বাড়ি থেকে ফিরে নাতি নাতবৌ এ কি মতলোব এঁটে রেখেচে দেখো। এ ঘরেও আজ ফুলসোয্যে। ঐ বাটিটাতে একবাটি ফুলও মোজুত। তারপর একটু একটু হেসে, একটু একটু নজ্জা করে হুজনে মালা ছটোর দিকে অনেকখান চেয়ে রইলেন তারপর ঠাকুরদা হাত বাড়িয়ে বোললেন ওর একটা আমায় দাও। তারপর ঠাকুরমা বৌদি যেমন এক একবার মিচিমিচি রেগে দাদাকে বলে সেইরকম একটু হেসে মিচিমিচি রেগে বোললেন কেন গুনি? ঠাকুরদা একটু এগিয়ে বোললেন দাওই না। একটা তোমার হাতেই থাক। তারপর ঠাকুরমা বোললেন যতো সব আদাড়ে কানডো। এইটুকু বলে মালাটা দিতে গিয়ে আবার হাতটা টেনে নিয়ে বোললেন দাঁড়াও আসচি। ঠাকুরদা বোললেন আবার চললে কোতায়? তুমি চিরদিন একরকম থেকে গেলে। ঠাকুরমা সে কথা না শুনে চোলে গেলেন ভগবান। আমি দাঁড়িয়ে দাঁড়িয়ে মনে করচি হুং বেশ দেখছিলুম তাহলে চলে



পোন্ধুর চিঠি

যাই ওদিকে বোধ হয় সেকেন ব্যাচ বসে পোড়ল। এমন সময় ঠাকুরমা রাজা পাড়ের সারি আর মুখে তাঁর বাঁধানো দাঁতটা পোরে এসে দাঁড়ালেন। ঠাকুরদা বোললেন ও এই জন্তে? তা ভালোই হয়েছে দিব্যি মানায় তোমায় নতুন দাঁতে। এইবার মালাটা দাও আর এইখেনটিতে এসে বোসো সেইদিনটির মোতোন। ঠাকুরমা বৌদিদির মোতোন একটু একটু নজ্জা করে যতো আদাড়ে কানডো বোলে যেই



এগিয়ে মালাটা দিতে যাবে ভগবান অমনি জগু ওদিকে ডেকে উটলো পোন্ধু তুই কতকখোন এয়েচিস, ঘুমিয়ে পোড়লি নাকি? তোর দাদা যে ডাকচে রে।

ভগবান তুমি সন্তি বড্ডা ভালো। সন্তি তোমায় বড্ড ভালো

পোছুর চিঠি

বাসি। সন্তি সন্তি সন্তি এই তিনসন্তি গালচি। সবার মোনোস-
কামনা পূরনো করো তুমি। আমার এতো ভালো লাগছে তোমায়।
তুমি যে অবোধ শিশুর মনের কথা বুঝতে পেরে দাদাদের সিঁথির
মোড়ে সঁদিয়ে অত কড়া করে দিয়েছিলে তার জন্তে ওদের কেলাবের
সাতজন সেইথেনেই ঘুমিয়ে পড়েছিল, পাঁচজন পথ ভুলে বাড়ি চলে
গেল, বারো জনের মধ্যে চারজন আসনে গুম হয়ে বসে রৈল
বাকি সবাই পেট ভরে খালি হাসলে।

নলিত বোস আর চিংরি মাচ আর রাবরিতে ফেল হোলনা
ভগবান। আমি ইয়ারবড়া বড় ছুঠো মাচ খেয়েচি। বউদিদি চারটে
আর তিনখুরি কোরে রাবরি। তার বেশি খেলে কোনে বউকে
হাংলা বলবে না ভগবান? ছিঃ। ইতি—

প্রণব

Digitized by Srujanika

6846





ভগবান !

ময়ূর ময়ূরি কি রকম দেখতে হয় ? তুতি বলে বেড়ালের মতন, জগু বলে কুকুরের মতন, আমি বললাম মোহিসের মতন। আমারটাই ঠিক নয় ভগবান ? তুতি বলে ময়ূর ময়ূরি মহিসের মতন হয় না হাতি। তাহলে গাচে চড়ে কি কোরে ? তুতি তো ভারি জানে। তুমি ছেলেবেলায় বাঁশি বাজালে জোমুনার জল উতলে উঠত না ? গোপিনীরা মিনুদের সদোর ঘরের ছবির মতন রান্নাবান্না ভুলে কাপড়ের কথা ভুলে জলে ঝাঁপিয়ে পড়ত না ? গাছে কদম ফুল ফুটে উঠত না ? মোহিসের মতন ময়ূর ময়ূরির গাছে উঠে পড়ত না ? তোমার বাঁশির খ্যামোতা কি কম ? ভারি তো জানে তুতি। ফুকলি কোথাকার !

তুতির দিদি শৈলদিকে পরশু মেয়েদেখতে এসেছিল ভগবান ! এই নিয়ে পাঁচ জায়গা থেকে হোল। মেয়েদের দেখা মানে চুল দেখা, হাতের আঙুল দেখা, উলের কাজ দেখা আর হাতের নেকা দেখা। সবাই আসনের ওপর খাবারের পেলেক্টের সামনে বসে জিগ্গেস করে ক্রী নাম তোমার, কতধুর পড়েচ, শুকতোতে কি কি মসলা লাগে, এক সৈর দুধের পায়েসে কতটা নুন দিতে হয়। মেয়েরা ভয়ে ঘেমে যায় ভগবান, এক এক সময় কাঁদোকাঁদো হয়ে যায়। ততক্ষণে ওদের খাওয়াও হয়ে যায়। তারপর রুমাল দিয়ে হাত মুচতে মুচতে বলে বেশ মেয়ে দিব্যি মেয়ে এবার তুমি যাও মা। তারপর নিকে

পোনার চিঠি

পাঠায় কুসটিতে মিলল না। আবার দেখবে কোথায় ছেলে আছে, আবার লুচির থালা সামনে ধোরে মেয়ে দেখা।

জন্ম করেছিল শুধু একবার চৌধুরিদের মেয়ে সোনামণি। সবাই তোয়াজ করে লুচি আলুরদম ওড়াচ্ছে এমন সময় সোনামণি ভেতর দোর দিয়ে আস্তে আস্তে এসে এককাটা জমি জুড়ে আসনের ওপর



বসল। একে ঐ লাস মেয়ের পাঁচটা বাঘ খেতে পারে না তার ওপর সবে পোশটিমে মামার বাড়ি থেকে চেহারা ফিরিয়ে এসেচে, ঠিক একটি কাটা দখল করে বসলেন আমার সোনামণি। যে যেমন ভাবে ছিল

পোল্লুর চিঠি

যেন পাতরের মুক্তি বোনে গিয়ে হাঁ করে রৈল। মুখ দিয়ে কথা বেরুবে তবে তো নাম জিগ্গেস করবে, কি ভালো মন্দ ছোটো কথা জিগ্গেস করবে। মেয়ের গতোর দেখে সবার বাঁকরোধ হয়ে গেছে, এদিকে না বেরোয় কথা ওদিকে না যায় ছুটি আলুরদম ভেতরের পানে। ছেলের মেসো জল খেতে গিয়ে বিসোম লেগে একেবারে যায় যায়। ছেলের বাপ বোধ হয় বেশ মেয়ে, দিব্যি মেয়ে বলে সোনামণিকে তাড়াতাড়ি সরিয়ে দিতে যাবে, গলায় আলুরদম আটকে বাঁক বাঁক করে একটা শব্দ কোরে চোখ কপালে তুলে এখোন তখোন অবোসথা। একদিন মাটির বেশ ধোরে পিসিমার কাছে এসে শুনো না গল্পটা।

তুমি জিগ্গেস করবে সে মেয়ের বিয়ে হোল কি না। ও মা, বিয়ে আবার হবে না। বিয়ে কি আজকাল মেয়ের সঙ্গে হয় নাকি, বিয়ে হয় টাকার সঙ্গে। নারায়ণ চৌধুরী একদিকে রাখলে টাকা একদিকে বসালে মেয়েকে। ঐ ছেলের বাপই দাঁড়িপাল্লা কাঁদে করে বাজনাবাঁজি করে বৌ নিয়ে গিয়ে ঘরে তুললে। তারপর চিঠিতে মেয়ের রূপের কথা আর ধরে না। সামনে আবার পূজোর তন্তো রয়েছে কি না। শুনোনা সবটা পিসিমার কাছে।

আহা শৈলদির মামা অত টাকা কোথায় পাবে ভগবান? ছাপোষা মানুষ তার ওপর ঐ ছুটি নাতনি ঘাড়ে। কচ্ছে যে এই ঢের, আজকাল কে করে বলো? পেরখোম যারা দেখতে এলো নিকে পাটালে মেয়ের আর সবই ভালো সুস্থ রংটা একটু ময়লা। আমরা একটু ফরসা মেয়ে খুঁজি। শৈলদির মামা ছুটল তাদের বাড়ি। সেখানে গিয়ে এর ওর মুখ থেকে টের পেলে সে সব কিছু নয়। আর এক জায়গা থেকে বিয়ের সম্মনধো এয়েছে, মেয়ে খুব কালো কিন্তু বাপের খুব টাকা।

পোন্মুর চিঠি

অনেক কান্নাকাটি করতে বললে বেশ ছেলে নিজে দেখতে যাবে। যদি পচনদো হয় তো বিয়ে দোব।

কি চমৎকার ছেলে ভগবান। তুমি যদি দেখতে। আমার মনে হচ্ছিল আহা আমাদের খুকি যদি বড়ো হতো। আর ওদের মতন হ্যাংলাপনা করে হাঁই হাঁই করে খেলেও না কিছু ছেলে। একবারটি দেখলেও না মুখ তুলে শৈলদিকে। সঙ্গে মামাতো ভাই এসেছিল সেই জিগ্‌গেস করলে তোমার নাম কি। লিখে দাও তো নামটা। কতদূর পড়েছ। গান জানো? শৈলদি ঘাড় নেড়ে বললে হ্যাঁ। একটা গাইতে পারবে? শৈলদির তখন মনে হচ্ছিল মা জানকী তুমি এর চেয়ে বেশি নজ্জায় পড়ে কি পাতালে সঁদিয়েছিলে? বিকেলে তুতি এসে আমায় বললে। শৈলদি তার সোয়ের কাছে গল্প করছিল। তুতি শুনেচে। আহা মেয়ে হওয়া কত জন্মের পাপ ভগবান। একথাটাও শৈলদি ওর সহকে বলেচে। তুমি এবার মেয়ে হওয়া বনধো করে দিতে পার ভগবান?

ভাগ্যিস ছেলে বাঁচিয়ে দিলে। ঘাড় নিচু করে এটা একটু ওটা একটু টুকে টুকে খাচ্ছিল গাওয়ার কথা বলতে ফিস্‌ফিস্‌ করে মুখটা বাড়িয়ে মামাতো ভাইকে কি বললে। মামাতো ভাইটা ফাজিল, একটু একটু হেসে গনদোওলা নীল রুমালটায় হাত মুচতে মুচতে বলল বেশ তো গান না শুনিস জিগ্‌গেস কর কিছু। একবার চোখ তুলে দেখাও তো দরকার, তোর তো দেখচি লুচি-সন্দেশ খেয়েই ফুরসৎ নেই। বাড়ি গিয়ে কি বলবি? রোজতো তোকে ডাকবে না কেউ। লুচি সন্দেশ এত সস্তা নয়। সব্বাই হেসে উঠল। কি ফাজিল ছেলে ভগবান। তারপর শৈলদির মামাকে বললে নিয়ে যান মেয়েকে।

পোহুর চিঠি

তুমি ভেবেচ নাকি ছেলে শৈলদিকে দেখেনি। ছুকুরবেলা বৌদি আর দাদাতে খুব তরু হোল। দাদা বলে দেখেনি। বৌদিদি বলে নিশ্চয় দেখেচে। বেটা ছেলেদের মাথার মাঝখানে চোখ আছে। চুরি করে দেখতে তোমাদের মতন দ্বিতীয়টি নেই আর। দাদা বললে থাক যারা একগলা ঘোমটা টেনে তার মোদে থেকে ছুনিয়ার খবর রাখে তাদের আর সাধু সাজতে হবে না।

বৌদিদির কথাই ঠিক ভগবান। অনেকদিন আর কোন খবর নেই। শৈলদির মামা এইবার একবার বত্তিবাটি যাবে মনে করেছে এমন সময় ছেলের চিঠি এল। মেয়ে পছন্দ হয়েছে, মারও পছন্দ। কিন্তু এঁরা যেন চেষ্টা না করেন। ছেলের মামা বড্ড কড়া লোক। তাঁর ইচ্ছে নয়।

তুতি আমায় বললে ভগবান। মনটা এত খারাপ হয়ে গেল বেশ চমৎকার হোত শৈলদির অমন স্নানদোর বর হলে। আর একটা কথা জান ভগবান? সূহ্য তোমায় বলচি। আর কারুণ্যে বলিনি। তুমিও বোল না। শৈলদিরও খুব পছন্দ হয়েছে ভগবান। হ্যাঁ সত্যি বলচি। শৈলদি বলেচে তার সহি প্রভাদিকে। প্রভাদি বলেচে তার ভাজকে। ভাজ বলেচে প্রভাদির দাদাকে। প্রভাদির দাদা ভুবনদা বলেচে আমার দাদাকে। দাদা বলেচে বৌদিকে। বৌদি বলেচে পিসিমাকে। আর সবাই সবাইকে দিব্যি দিয়ে বলতে বারণ করেছে। ভগবান তিরভুবনে আর কেউ জানে না। পিসিমা শুনে বললেন নাও মেয়ে আবার মানুষের মধ্যে তার আবার পচনদো।

তারপর আরও তিন ব্যাচ এল ভগবান। হুচি সন্দেশের সেরাদ্দ করে গেল। একজন নিকলে কুসটিতে মেলেনি, একজন নিকলে

পোন্মুর চিঠি

আরও নেখাপড়া জানা মেয়ে চায় ছেলে। এক ব্যাচ এল দুজন মেয়ে-মানুষ সঙ্গে করে। ছেলের পিসি আর ভাজ। পিসি খুব রোগা, খালি পান খায়। ভাজ খুব মোটা খালি পাকার হাওয়া খায়। খুব ভাল করে দেখে গেল। দুজনেই দেমাকে। বললে হ্যাঁ তা মেয়ে মন্দ নয় সুছ নাকটা একটু বড় হলে ভালো হোত। আমাদের পিসিমা তো ট্যাসটে'সে ভগবান? বললেন কেন? ছেলের পিসিমা বললে আমাদের ছেলে একটু খাঁদা খাঁদা কিনা। পিসিমা বললেন তা মেয়ের নাক তো কেটে তাতে জুড়ে দেওয়া হবে না ভাই।

বললে গিয়েই চিঠি দেবে। তা আর সাড়া শব্দ নেই। শেষে শৈলদির মামা চিঠি দিতে নিকলে কি দিতে থুতে পারবেন জানান। শৈলদির মামা আমার বাবার সংগে পরামরসো করে নিকে দিলেন। ওরা নিকলে মেয়ের নাক নিয়ে সবাই একটু খুঁৎ খুঁৎ করচে আপনারা অন্ত জায়গায় দেখুন। বাবা শৈলদির মামাকে বললেন ওটা এক হাজার করে দাও ছেলেটি চাকরি করচে। ওরা নিকলে দুহাজার। ছেলে এক হাজার দিয়ে একটি মটোর সাইকেল কিনবে। বাবা শৈলদির মামাকে বললেন লিখে দাও খাঁদা পুতের অত আবদার নয়, সাইকেল থেকে পড়ে যদি ওটুকু নাকও চেঁচে যায় তখন?

তারপর নৈহাটি থেকে খবর এল আবার একদল মেয়ে দেখতে আসচে ছেলে আর ছেলের দুজন বোনধু। এই ছেলের কথা বলবার জন্মেই তোমায় নিখচি চিঠিটা ভগবান ছেলে আর তার বোনধুদের আসবার কথা শুনে শৈলদি মামিমার পা দুটো জড়িয়ে ধরে কাঁদতে লাগল আমায় আর এমন করে দগধাতে দিও না মামিমা। মেয়ের মোতন না থাকতে দাও দাসীর মোতন থাকব আমায় বিদেয় কোর না।

পোহুর চিঠি

ওর মামা মামিমা ছুজনেই তো খুব ভালো, মামিমা ওকে তুলে বুকে জড়িয়ে অনেক করে বুঝিয়ে সুঝিয়ে সাজিয়ে দিলেন। শৈলদি চোখ-ছোটো ভালো করে মুচে আসনে গিয়ে বোসলো।

এবার ছেলে মানে আর ছেলে নয় ভগবান। পিসিমার ছেলে যুগোলদার মতোন বড়ো। হারুকাকার মতোন ছোটো দাঁত নেই, আর উপিন জেটামোশাইয়ের মতোন পাতলা চুলের পাড় বসানো মসতো টাক। নিজে মাঝখানে বসে শৈলদিকে দেখতে লাগল আর ছুধার থেকে ছুই বোনধুতে জিগ্‌গেস করতে লাগল তোমার নামটি কি কতদূর পড়েচ? ভৈরবিতে আর ডানলাতে কি তফাৎ? আর পুরবিতে আর সূক্তোতে। বেহাগে কি মসলা দিতে হয়, শাগের ঘন্টে কোন রাগ লাগে? আমার ভালো কোরে মনে নেই ভগবান, নোতুন নোতুন কথা সব। একটু গুলিয়ে ফেলচি। আগেকার ওরা জিগ্‌গেস করে নি তো।

ছেলের বাপ মা কেউ নেই।—একটা বৌ ছিল তাকে সাবড়েচে। একটা আর্ট বছরের মেয়ে আছে। আমাদের বাড়িতে ঠাকুমা মা পিসিমা বৌদি সবই হয় হয় করতে লাগল অমন সোণার প্রোতিমের মোতন মেয়ে শেষকালে কি না ঐ দোজবরের হাতে পড়বে। তাও যদি একটু ছিড়ি-ছাঁদ থাকত। পিসিমা বাবাকে বললেন তুই একবার ওর মামাকে বল যহু। আমি ওর মামিকে বলেছিলুম তা সে মেয়ে-মানুষ কি করবে কেঁদেই আকুল, বলে সত্যিই মেয়েটাকে ভাসিয়ে দিচ্ছি দিদি। কি করবো অবোস্থা নেই। বাবা বললেন বুঝচি তো কিন্তু কি করে বলি। এক পয়সা দিয়ে তো সাহাজ্যো করতে পারব না। তবু এ-পাত্রকে কিছু দিতে খুতে হচ্ছে না তেমন।

পোহুর চিঠি

তুমি মনে করচ সত্যিই বুঝি দিতে-খুতে হবেনা ভগবান ? ঘটক
মাগি আগে তাই বলেছিল বলে বাবা ও কথা বললেন । তার পরদিন



ছেলের চিঠি এল । নিজে আর নেকেনি বোনধুকে দিয়ে নিখিয়েচে ।
শৈলদির মামা নিকেছিল ছ'ভরি সোনা আর তিনশ নগদ । বোনধুর
চিঠি এল মেয়ের চুল একটু ছোট বলে ছেলে একটু দোমনা হয়ে
রয়েচে । পাঁচশ নগদ আর আটভরি সোনা হোলে একটু বুঝিয়ে শ্রুখিয়ে

পোন্নুর চিঠি

দেখি। বাবা যেদিন পিসিমাকে ঐ কথা বললে না? তারপর দিন চিঠিটা এল। শৈলদির মামা মুখ চুন করে বাবার কাছে এসে বললেন এই দেখুন দাদা। বাবা তামাক খাচ্ছিল ভগবান। এমন রেগে গেল যে কলকেটা একদিকে ছিটকে পড়ল গড়গড়াটা অন্যদিকে। চিৎকারে গলা কাটিয়ে বললে অসুখ থেকে উঠে একটু পাতলা হয়ে গেছে চুল তা একি তার জন্তে জরিবানা নাকি? বেশ দিচ্ছি তার আগে হিসেব দিগ তো ওর নিজের মাথায় কগাছা চুল আছে। যার নাক নেই মেয়ে তার নাক জোগাবে যার চুল নেই মেয়ে তার চুল জোগাবে যেন লুট পড়ে গেচে আর কি। আ গেল। তুমি লিখে দাও দয়াল ওর বেশী একটি পয়সা কি একরতি সোণা আমি দিতে পারব না। ইচ্ছে হয় বাপের সুপুতুর হয়ে বিয়ে করে যাক। একটা দোজবরে টেকো তিনকুলে কেউ নেই সেও মোচড় দেয়। উচ্ছন্ন যাক এমন জাত আর এমন সমাজ।

আমার যে কি আমোদ হচ্ছিল ভগবান তোমাকে কি বলব। আর সন্ধ্যারও। পিসিমা বললেন যাক মেয়েটার ফাঁড়া কেটে গেল। বেশ হয়েছে। বর কি জুটবে না? বাঁদরের গলায় মোতির মালা পড়ছিল, আমাদের সন্ধ্যারই মনটা খারাপ হয়েছিল। ও নিজের পাপেই হারালে সে মালা ভালোই হোল। এমনই অঘটন কি হয়? এখনও চন্দ্রসুখ্যি তো উঠচে গা আকাশে।

তিন দিনও গেল না ভগবান ছেলের চিঠি এল বোনধুরা নিজের মন থেকেই নিকেছিল। ও ঐ টাকা আর ঐ সোণাতেই বিয়ে করবে। আমার মনটা আবার এত খারাপ হয়ে গেল ভগবান। আর সন্ধ্যারও। বাবা বললে রোস দয়াল বুজেচি। ব্যাটাকে একটু খেলিয়ে তোলা

পোহুর চিঠি

যাক্। নেক আমি ও টাকাও যোগাড় করে উঠতে পারচি না এখন। যারা ধার দেবে বলেছিল উলটে গেচে। আবার যোগাড় দেখতে হবে। যেমন কুকুর তেমনি মুগুর। আমরা মনে করলুম এইবার নিশ্চয় ভেং এ যাবে। বেশ হবে। আর সব্বাইও মনে করলে। তার পরদিন ঘোটকি নিজেকে এসে হাজির। বোললে টাকাই কি সব? না ছেলের অভাব টাকার? আপনারা ধানছব্বো দিয়েই বিদেয় করবেন মেয়ে। বিয়ের দিন ঠিক করে গেল ভগবান। আসচে রোববার। যাঃ আর কোন ভরসা নেই।

আমি তোমায় কতোখোন ধরে প্রার্থনা করলুম ভগবান মাগির নৌকোটা ডুবিয়ে দাও পার হবার সময়। বেলা তিনটের সময়। তুমি কি তখনো ঘুম থেকে ওটোনি? বাঁটুল এতবড় একটা ঢিল ছুঁড়ে ছিল গুইরামের দোকানের পেচন থেকে। ভাগ্গিস তুমি জলে পড়িয়ে দিলে না হলে ওর পাপ হোত তো? মেয়েমানুষের গায়ে হাত দিতে আছে ভগবান? ছিঃ আমি বললুম তার চেয়ে বরং আয় আমার সঙ্গে প্রার্থনা কর মাগির নৌকো ডুবে যাক। না হয় ওলা উটোয় ধরুগ। বাঁটুল বললে তুমি এখন শুনতে পাবে না। রাজভোগ খেয়ে ঘুমুচ্চ। ওর আমার বাড়ি পুরিতে কিনা। অনেকবার গেচে। তুমি কখন খাও কখন শোও সব জানে।

ভগবান আমার এই রকম পাতলা কাগজ আর নেই তাই তাড়াতাড়ি নিখে দিচ্ছি। মোটা কাগজ খামে আঁটে না। তুমি তো তোমার কংসমামাকে বধ করেছিলে? এইবার সেই যে আগে সব্বার চেয়ে স্নানদোর ছেলে শৈলদিকে মেয়েদেখতে এসেছিল তার মামাকেও একটু বধ কোরে দাও ভগবান। শৈলদিরও তাকে তো বড্ড পছন্দো

পোতুর চিঠি

হয়েছিল। তোমার তাতে বেশি মেহনত লাগবেনা। মা সেতলা তাকে সব্বাঙ্গে দয়া করেছেন। মিনুর মাসির বাড়িতে তাদের কাছেই? মিনুই বললে। আর শোনো ভগবান সেও ভাগনে আর ইদিকে শৈলদিও ভাগনি ছুজনে ভাই বোনের মোতোন বেশ চমৎকার মানাবে না?

আর নৈহাটির দোজবরের কথা তোমায় ভাবতে হবে না ভগবান। আমাতে আর বাঁটুলেতে আর তুতিতে মিলে তাকে একটা চিঠি নিকে দিয়েছি তাতেই হবে। বাঁটুলটা কি ছুঁছু ভগবান বলে ওর বাপ তুলিয়ে গালাগাল দিয়ে নেখ। তা কখনও দিতে আছে ভগবান ছিঃ। আমি বললুম আয় আমরা ছুজনে মিলে ভয় দেখিয়ে নিখে দি সবাই মিলে মারব বলে। তখন তুতি বললে তোরা বেটাছেলে ষাঁড়ের নাদ আমার বুদ্ধি নে। যেমন যেমন বলচি দিদির নাম দিয়ে চিঠি নিখে দে। তুতি ছেলের নাম আর ঠিকানাও চুরি করে যোগার করেছিল ভগবান। তখন আমরা তিনজনে চিঠিটা এই রকম কোরে নিখলুম। আমি নিখলুম তুতি বলতে লাগল আর বাঁটুল দেখতে লাগল। তুতি ওর পিসতুতো বোন রমাদির চিঠি চুরি করে পড়ে কিনা নয়নমণি চন্দ্রানন বিরহানল আরও অনেক চোখা চোখা কথা মুকোমতো আছে। বিরহানল খুব গনগনে আগুন। চিঠিটা এই রকম দাঁড়াল ভগবান। প্রাণনাথ। তোমায় আমার খুব পচনদো হয়েছে কিন্তু আর কারুই হয় নি। তাই তারা বলচে তুমি যেমন ঘুমুবে তোমার গায়ে জামায় দেশলাই জেলে তোমায় বিরহানলে পুড়িয়ে মারবে। এই জন্মে আমার মাথার দিব্যি তুমি আমার ছুঁখের কথা না ভেবে অন্য মেয়ে বিয়ে করোগে। আমি অভাগিনি যদি সতি হইতো এ জন্মে তোমায় পেলুম না আর জন্মে পাব। তোমার খাবারে বিষ মিসিয়ে

পোহুর চিঠি

দেবেণ্ড বলেচে। বিধবা হোলে যে মাচ মাংস কিছুই খেতে পাব না
প্রাণনাথ। ইতি শ্রীচরণের দাসী শৈলবালা।

চিটিটা এখনও লেটারবকসে আছে। তুমি মাচির রূপ ধরে পড়ে
নিওনা একটু টুপ করে। আর একটা কথা ভগবান। আমি যে ভুলে



তুতিকে ফুক্লি বলে ফেলেচি ওকে একথা বোলো না। নক্ষিটী। বড়
হোয়ে শৈলদির মোতোন হোলে ওকে বিয়ে করবো কিনা। ইতি—

দাস প্রণব



ভগবান ।

তুমি যে বড্ডো সব কথা জানতে পার আমি কি হয়েছি বলে দিকিন বিজয়া-দোস্মির দিন থেকে ? কঙ্কনো পারবে না । আমি কাকা হয়েছি । হ্যাঁ সন্তি । না বিসসাস হয় মাটির রূপ ধরে দাদার সন্তুর বাড়িতে গিয়ে দেখে এসো আমায় কাকা বলবার জন্মে কি স্ননদোর খোকা হয়েচে আমাদের । আমি তোমায় আগেই লিখতুম, তারপর মনে করলুম, না আগে বেশ ভালো করে হয়ে নি কাকা তারপর লিখবখন । তাই আটকোঁরের দিন লিখিনি, সোশটিপুজোর দিনও লিখিনি । সেতো মোটে একমাস । আমি এখন পাঁচ মাসের কাকা হয়েছি । তাই মনে করলুম এবার তোমায় লিখে দিই । খোকা যে এবার কথা বলতে আরম্ভে করবে ।

আর খোকা যে হোল সে তো আমি ভাগিস ভুল করিনি সেই জন্মে । বৌদিদির বাপের বাড়ি যাবার আগের দিন ছুপুরবেলা সব্বাই যখন ঘুমিয়েচে, আমি বাইরের ঘরে কি করব কি করব ভাবছি এমন সময় ভেতরের দিকের দোর খুলে বৌদিদি এলো । এই দেখো ! ঠাকুরপো তুমি এখানে ? আর আমি ছিস্টি খুঁজে খুঁজে বেড়াচ্ছি । আমি জিগেস করলুম কেন গা বৌদি । না, কাল চলে যাচ্ছি তোমাদের এখান থেকে মন কেমন করে না ? তাই ভাবলুম পোন্-ঠাকুরপোর সঙ্গে একটু গল্প করি বসে বসে । তা দাঁড়াও তোমায় তো পেয়েছি তোমার দাদার টেবিল আলমারিগুনো একটু গুচিয়ে দি শেষবারের মতন । আমি জিগেস করলুম শেষবারের মতন কেন গা

পোহুর চিঠি

বৌদি ? বৌদি এই দেখো চোখে কি পড়ল বলে চোখে আঁচল চেপে দাদার টেবিল আলমারি আরশি সব ঝেড়ে ঝেড়ে পরিসকার কোরে এসে বসল। আমি বললুম তোমার চোখ ছটো রাঙা হয়ে গেছে বৌদিদি, কি পোরেছিল বেরোয়নি ? ফুঁ দিয়ে দোব ? বৌদি বললে বেরিয়ে গেছে, রগড়ালুম কিনা তাই রাঙা হয়ে গেছে। কি যে বলছিলুম। হ্যাঁ, মন কেমন সুস্থ আমাদেরই করে। ঠাকুরপোর কি আর করবে ? বৌদি একটা থাকতে হয় ছিল। গেছে, আবার একটা হবে। আমার মনটা বড্ড খারাপ হয়ে গেল ভগবান। বৌদি অল্প বার বাপের বাড়ি যাবার সময় বেশ হাসিখুসি থাকে। এবার যেন কেমন কেমন। বললুম আমার তো ভয়ংকর মন কেমন করবে বৌদি বললে না পেত্তয় যাবে। এখন থেকেই করচে। আমি তোমায় ভয়ংকোর ভালোবাসি। মার চেয়ে বাবার চেয়ে দাদার চেয়েও। বৌদি বললে ওঃ তোমার দাদার তো ভয়ংকোর ভালোবাসা। একেবারে রামচন্দ্রের মতন। তাই পুন্নগভ্ভা সীতাকে যেমন তিনি বনবাসে দিয়েছিলেন তেমনি তোমার দাদাও আমাকে বনবাসে দিচ্ছেন। সঙ্গে লক্ষ্মণের মতন তোমায় দিলেই হয়। যাবে? চলোনা। বলতে বলতে উঃ চোখে আবার কি পড়ল বলে আঁচলটা তাড়াতাড়ি ছুচোখে চেপে ধরলে। পড়ার কথা একেবারে মিথ্যে। আঁচলটা একটু চেপেই কেঁদে ফেললে। দাদা কখনও কিছু বললে যেমন করে কাঁদে কেউ শুনতে পাবার ভয়ে ভয়ে, শীলাদি সগুরবাড়ি যাবার দিন যেরকম কোরে কেঁদেছিল সেই রকম করে। আমার যে কি হোল, তুমি পুরির মন্দিরে যেমন কাটের মতন হয়ে বসে থাক সেইরকম কোরে বোসে রইলুম ভগবান। অনেকগুণ কেঁদে বৌদি চোখ মুছে যখন

পোতুর চিঠি

চুপ করলে বললুম বনবাসে কেন বললে গা বৌদি, তুমি তো বেশ বাপের বাড়ী যাচ্ছ। বৌদি কিছু উত্তর না দিয়ে যেমন হাঁটু গুটিয়ে জানালার দিকে চেয়ে বসেছিল সেই রকম চুপ করে বসে রইল। শুধু আবার চোখ দুটো ডবডব করে উঠল। তখন আমি বললুম—তাহলে না হয় বাবা মা সব্বাইকে গিয়ে বলব তোমায় বাপের বাড়ি পাঠাবে না আর? ওমা কি সব্বনাস বলে বৌদি সিঁউরে উঠতে চোখের জল দুটো ঝর ঝর কোরে ঝরে পড়ল। তারপর একটু হেসে ফেলে বললে খবরদার অমন কাজ করতে যেয়ো না। কি বোকা তোমরা ঠাকুরপো। সব বোকাছেলেরাই। কারুর কাছে একটু যদি মনের কথা বলবার জো আছে। নিব্বাসনে দেবে কেন? তোমরা কিচ্ছু বোঝ না। শুধু এইটুকুই বোঝ বৌদি বাপের বাড়ি যাচ্ছে ভাইপো কোলে কোরে আসবে, সে কাকা বলবে কি মজা। বৌদি ফিরবে কি না ফিরবে সে ভাবনা তো নেই। জিগ্যেস করলাম কেন গা বৌদি? না, এইটে যে আমাদের পুনোজ্জন্মের সময় ভাই। বাঁচি তবেই তো ফিরব। তাই তোমাদের বাড়ি ঘরদোর দেখে দেখে কেমন মনটা উতলে উঠচে। মনে হচ্ছে শেষবারের মতন করে সব ভালো কোরে দেখেগুনে নি। সেই জন্মেই নিজেকে মা জানকির মতন ভাবতে কেমন ইচ্ছে করচে। বেশ ভালো লাগচে ভাবতে তোমার দাদা যেন রামচন্দ্রের মতন আশ্রম দেখাবার নাম করে বনবাসে দিয়েচেন। সঙ্গে দেবর লক্ষ্মীনের মতন যেন তুমি।

এই পঙ্ক্তান্ত বোলে বৌদি থেমে গেল ভগবান, এবার আমি যে কঁদে ফেলেছি এদিকে। তারপর আমায় বুকে জরিয়ে আদর করে চুপ করিয়ে দিলে। তারপর বললে কি বোকা তুমি ঠাকুরপো।

পোনুর চিঠি

কোথায় কি তার ঠিক নেই মাঝখান থেকে কেঁদে ভাসিয়ে দিলে। আমিই বা মা জানকি হোতে যাব কেন তুমিই বা লক্ষোন হোতে যাবে কেন তোমার দাদাই বা আমায় বনবাস দেবে কেন। এসো অশ্রু গঙ্গা করি। তারপর আমাদের অনেক গঙ্গা হোল ভগবান। বৌদি আমায় চিঠি দেবে আমিও দোব। যদি খোকা হয় তো কি নাম রাখা হবে। যদি খুকি হয় তো কি নাম। তারপর বৌদি বললে দাঁড়াও ঠাকুরপো দেখি তোমার ভাইপো হবে কি ভাইঝি। আমি এই ছুটো আঙুল নাড়ি ধরো তো খপ করে একটা। আমি বললুম যদি ছুটোই ধরে ফেলি। বৌদি থেমে গিয়ে হেসে বললে ও বাবা আহিংকে কম নয় তো। উনি ছুটো আঙুলই ধরুন আর আমি জমজ মানুষ করে সারা হই আর কি। না একটা ধরবে খবরদার। খুব জোরে নাড়তে খুব জোড়ে নাড়তে আমি তাক করে করে মাঝেরটা ফেললুম ধরে একেবারে। বৌদি খুব আসচ্যি হয়ে হেসে বললে ঠিক ধরেচ তো ঠাকুরপো। আমি ঐটে খোকা মনে করে রেখেছিলুম। দেখো তোমার যদি ভাইপো না হয় তো কুকুর পুসে রেখো আমার নামে। কিন্তু কাউকে এসব কথা বলবে না। এই আমাদের এতক্ষণ ধরে যেসব গঙ্গা হোল না? সেই সব। তাহলে মা সোষটি সব উলটে দেবেন একেবারে।

আমি আগে কাউকে বলিনি ভগবান সুখ একবারটি চারিকে বলেছিলুম। তুতি মামার বাড়ি গিয়ে অসুখে পড়েচে। বাঁচবে কি না বাঁচবে তাই বড় হোয়ে বে করব বোলে এখন একেই লব করচি কিনা। চারি বললে তবে তো খুব উবগার করেচিস দাদা আর বৌদির। প্রথম মেয়ে বাপমায়ের কত পয়। তা না হয়ে মাজের

পোহুর চিঠি

আঙুল ধরে ওঁর মতন এক ক্যাবলাকান্ত ছেলের ব্যাবোসতা কোরে দিলেন। চারিটা কি খোলো ভগবান। আমি তখন মা সোবাটি যাতে উলটে দেন সেই জগ্গে তাড়াতাড়ি ঘেঁটু ভুলু চপি দাসু বাঁটুল



খেঁদি সবাইকে বলে দিলুম। চারির সঙ্গে বাঁটুলের তখন আড়ি যাচ্ছে। বাঁটুল সব শুনে বললে তোর যেমন বুদ্ধি। ঐ বাঁদরির কথা শুনে সবাইকে বোলে দিয়ে সোনার চাঁদ ছেলে হারালি অমন? তোর গতি কি হবে রে? আমার যে তখন কি করে কাটতে লাগল ভগবান কি করে কাটতে লাগল তা এক অনতোজ্জামিই জানেন। মনে মনে বলতে লাগলাম হয় আমার যে মাথামুড় খুঁড়ে মরতে ইচ্ছে করচে।

পোন্নুর চিঠি

আমার একি হোল। আমার কুলও গেল, আর যে শ্যামের জন্তে কুল হারালাম সেই শ্যামও আমায় ছেড়ে গেল। আমার কি হবে? কোথায় যাই? কাকে বলি।

এ সোমোসতোই দাদাদের অপেরার রাধার পার্ট ভগবান। মিনুর দাদা বিস্মদা কঁাদতে কঁাদতে আমাদের বাইরের ঘরে রিহারসেল দেয়। টোপা কুল হারালো কি নারকুলে কুল তা বলে না। তুতি বলে নিশ্চয় নারকুলে কুল। কাশির। নৈলে অমন করে মাথামুড় খুঁড়ত না।

ভয়ংকর মন খারাপ হয়ে রৈল। কেন মরতে চারির কথা শুনে সবাইকে বলতে গেলুম। যদি খোকা না হয়ে খুকি হয়ে পড়ে। তাহোলে খোকা তো হলোই না বৌদি সবাইকে বলে দিয়েছি টের পেলে আমার সঙ্গে আর কথাই কইবে না তার ওপর দাদাকে যদি বলে দেয় তো পুত্রশোকে দাদা যে কি করবে ভেবে ভেবে আমার ওসতিচন্মো সার হয়ে গেল ভগবান। এমন সময় তুতি এসে পড়ল ভালো হয়ে গিয়ে। ওর খুব বুদ্ধি। ওকে সব কথা বলে বললুম তুতি ভাই কি হবে? আমার আর বাড়ি ঢুকতে ইচ্ছে করে না আহারনিদ্রে ছুইই গেচে। ভাতের থালা নিয়ে বোসতে ইচ্ছে করে না। সঙ্গে যেন কনটোক হয়েছে। যতো ভালো ভালো কথা যাত্রা আর রিহারসেলে শুনেছি সব বললুম ভগবান। তুতি বললে আজ শোসটি। কাল থেকে ছুগগাপূজা। আহার নিদ্রে গিয়ে থাকে নেমস্তন্ন খেয়ে আর রাত্তিরে এর বাড়ি ওর বাড়ি যাত্রা দেখে কাটিয়ে দে। আর ঠাকুরের কাছে মাথা খোঁড়। মান্নসকে মোষ করে কেটে ফেলচেন একটা মেয়েকে ছেলে করে দিতে পারবেনখোন। সে তো এখনও গভ্ভেই রয়েছে।

পোতুর চিঠি


সোপতুমির দিন যত ঠাকুর আচে পাড়ায় সবার কাছে এত মাথা খুঁড়লুম যে সোনদে পজ্জন্তু কপাল ফুলে এই রকোম উঠল ভগবান। তুতি বললে তবেই হোয়েচে তোর যেমন বুদ্ধি। মাকে কি নৈবিদ্দি গুঁজে দেয় মুখে পুরুতে? ওরাও যেমন বলে ওই নৈবিদ্দি রয়েছে মা খেয়ে নাও তুইও তেমনি ভুঁয়ে আস্তে আস্তে মাথাটি ঠেকিয়ে বলবি এই মাথামুড় খুঁড়ে রক্তোপাত করচি মা, সিগগির সিগগির আমার ভাইঝি ছেড়ে ভাইপো হইয়ে দাও। মাভুগগা কি অত চালাকি বোঝেরে?

ওসটুমি নয় নবুমি নয়। দোস্তুমির দিন বিসজ্জন দেখে ফিরে আসচি সদরের রকে কে বোসে বলত? দাদার সোশুর বাড়ির দাস্ত পরোমানিক। কি গো দাস্ত তত্তো নিয়ে এসেচ? না, এবারে আর যেসে তত্তো নয় ছোট দাঠাকুর। তত্তের সেরা তত্তো। টাকা বের করো। জিগোস করলুম কি সেরা তত্তো গা দাস্ত? না, যাবার মুখে মা যে তোমায় কাকা করে দিয়ে গেল। পাশে লাহিরিদের বাড়ি ঠিক প্রতিমেটি উটেচে ইদিকে দিদিমনির কোলে এক রাঙা খোকা। বাইরের বৈটকখানায় এক বৈটকখানা ডাকতার নার্স কমপুনডার। ছোট বড়ো মাঝারি হরেক রকমের। রায় মশাই তো খরচের কস্তুর করেনি। ক্যাদানি দেখাবে বলে সবাই মুকিয়ে রয়েছে এমন সময় ইদিকে ঢাকে বিসজ্জনের কাটি পড়েচে উদিকে অনদোর বাড়িতে সাঁক বেজে উঠল দিদিমনির খোকা হয়েছে। ডাকতারেরা সবাই ফিটুকু কোনরকমে পকেটোসতো করে মাথা হেঁট করে যে যার মোটোর গিয়ে উটল। দিদিমনির কাছে ক্যাদানি দেখাতে এসেচে! ইস!

আসসিন কান্তিক অগঘান পোষ মাগ এই পাঁচ মাস আমি ঠায়

পোন্সুর চিঠি

কাকা হয়ে আচি ভগবান। এর মদে চার বার খোকাকে দেখে
এয়েচি। কি চমৎকার যে হোয়েচে কি চমৎকার হোয়েচে কি বলব।
তুমি একদিন মাটির রূপ ধরে দেখে এসোনা। মুখে বলতে নেই
এইরকম মোটাসোটা মাথায় ঝাঁকড়া ঝাঁকড়া চুল চোকে কাজল



ছুটো খুদে খুদে দাঁত আর রঙের কি জলুস। ছেলে বাড়ি যেন আলো
করে আছে। এখন স্নুহ্ কাকাটুকু বলতে বাঁকি। সেইখানেই এক
ভিসন বাগড়া এসে পড়েচে ভগবান। তুতিকে বলেচি। আজ
তোমায়ও নিকলুম।

বললুম না যে আমি এর মদে চার বার দেখে এসেচি? শেষবার
এই সেদিন গেসলুম। দাদা বললে কিরে পোন্সু যাবি নাকি
শ্রামবাজারে তোর বৌদি বলেচে? বললুম পড়ার যে খেতি হবে
দাদা। দাদা বললে তাও তো বটে তবে থাক। বলে খুব পাতলা
করে একটু হাসলে। দাদা কি কুচুটে ভগবান। আমি ঐ কথা
বললে তো নক্ষি ছেলে হবো? তারপর দাদা বলবে একদিনে আর কি
খেতি হবে তুই চল। তারপরে আমি পড়ার জন্তে ভয়ানোক কস্টো

পোন্নুর চিঠি

হয়ে যাব। দাদা ঐরকম বলতে আমার এমন মোন খরাপ হোল যে কি বলব। ইচ্ছে করতে লাগল সাজ্জস্মে আর ভালো ছেলে না হয়ে সব ভেঙেচুরে ছিঁড়েখুঁড়ে দি। তারপর অনেকক্ষণ ঘুরে ঘুরে একটা বুদ্ধি এলো ভগবান। দাদা এইবার বেরবে চুল আঁচড়াচ্ছে, তারপর ভাত খাবে তারপর জামা-কাপড় পড়বে আমি গিয়ে চুপটি করে পেচনে দাঁড়িয়ে বললুম দাদা। ফিরে দেখে বললে কি? না, ভাবছিলুম বৌদি গুরুজন। অবাধ্য হলে মা সরস্বতী রাগ করবেন না? দাদা তো উলটো দিকে মুখ করে ছিল ভগবান? আরসির মদে দেখলুম একটু একটু হাসচে। বললে আমার চেয়ে ওকেই বুদ্ধি বড় গুরুজন ঠাওরালি? তা যাবি তো চল।

গিয়ে দেখি খোকা যে কিস্কন্দর হয়েচে কিস্কন্দর হয়েচে তা তোমায় কি বলব ভগবান। আজ বেসপতিবারের বারবেলা খুঁড়তে নেই, নয়তো নিকতুম ঠিক আমাদের রাংই গোরুর বাচ্ছাটার মতন হয়েচে। ঐ রকম মোটাসোটা খলখলে। মোটা গলা মোটাসোটা হাতপা। আর কাকা একটু আদর করলেই ছেলের হাততালি দিয়ে নিদনতো মুখে কি হাসি।

এইবার যা আসল কাজ সেই জনেই তোমায় চিঠিটা নিকচি ভগবান। আজ বৌদিদি বলছিল খোকা এইবার কথা কইবে ঠাকুরপো। আমি একটু চুপ করে রইলুম, জিগ্যেস করতে তো নজ্জা নজ্জা করে। তারপর জিগ্যেস করলুম কি কথা আগে বলবে গা বৌদিদি? বৌদিদি একটু একটু হেসে জিগ্যেস করলে—কি কথা তুমিই বলো না। ছেলেরা কোন কথাটা আগে বলে। কাকে আগে ডাকতে শেকে। আমার ভয়ানক নজ্জা করতে লাগল ভগবান নিজের

পোন্মুর চিঠি


নামটা বলতে। তারপর বুদ্ধি করে বললুম যে তাকে সন্ধ্যার চেয়ে ভালোবাসে। কে ভালোবাসে সন্ধ্যার চেয়ে শুনি না বোলে বৌদিদি মিটিমিটি হাসতে লাগল আমার মুখের দিকে চেয়ে। আমি বাসি। বোলেই বৌদিদির কোলে মুখটা গুঁজে দিলুম।

এর পর আর আমার নজর করল না ভগবান। শীতকালে পুকুরে একবার নাপিয়ে পড়লে যেমন আর শীত করে না। বৌদিদি বললে দেকো তোমার দাদাকে আগে ডাকতে শিকবে। ছেলেরা আগে বাবাই বলে মশাই। তুমিও বলেছিলে। আমি বললাম দেকো আগে কাকাই বলবে। আমার যে কাকা ছিল না তাই বাবা বলেছিলুম। বৌদিদি হেসে বললে দেখো। আমিও বললুম দেখো। বৌদিদি হেসে বললে—বেশ বাজি রাখো। আগে কাকা বলে ভালোই তো, তোমায় তাহলে আমি চারটে রাজভোগ রসগোল্লা কিনে দোব। বাবা বললে কি দেবে আমায়? সে তো বলবেও না দিতেও হবে না আমায়। আমি বললুম আমি তাহলে দোব আটটা রাজভোগ।

এটা ছুপুর বেলার কথা। তারপর বিকেল বেলা সন্ধ্যাশটা হোল ভগবান। এখনও একেবারে হয় নি তবে একটু একটু আরম্ভ হয়েছে। আর তাই তাড়াতাড়ি তোমায় নিকটে বসেচি। বিকেল বেলা খোকাকে নিয়ে একটু ছাতে খেলছি এমন সময় চমকে উঠলুম। খোকা বলচে—বা। সন্ধ্যাশ। আমি বললুম বা নয় কা বলো। আবার বা। তারপর যতবার আমি বলি কা বলো আদর করে বোকে যেরকম করে হোক ও ছুসটু খিলখিল করে হাসবে আর বা। কি ছুসটু ভগবান। মাকে আটটা রাজভোগ খাওয়াবে আর আমি যে এত ভালোবাসি সেটা কিছু নয়।

পোহুর চিঠি

তাই হার মেনে চুপি চুপি তোমায় নিকচি ভগবান। তুমি তো নারায়ন আর কথা কওয়ান তো মা সরস্বতি আর তিনি তো তোমার



ইসতিরি। তাঁর একি কানডো ভগবান। প্রথম ভাগটাও ভুলে গেছেন? আগে ক তার অনেক পরে ব এটুকুও মনে নেই?

না ভগবান তুমি বড্ড ভালো আর আমায় বড্ডো ভালোবাসো তাই তোমায় নিকচি। খোকা একটা বা বোলে ফেলেচে তো ফেলেচে। ছুটো বা যদি একসঙ্গে বলে ফেলে তাহলে আমার ভয়ানক কষ্ট হবে আমি বাঁচব না। তাই বলচি মা সরস্বতি যখন তোমার পা টিপতে বসবেন একটু শাশিয়ে দিও—এ কি রকম কথা। বএর আগে ক হয় জানো না আর বিছের ঠাকুর হয়ে বসে আচ। এবার যত বইপত্তোর কেড়ে নিয়ে অশ্রু কারুর হাতে দিয়ে দোব আর তোমায় দোব বাপের বাড়ি পাঠিয়ে।

তাহলেই সব ঠিক হোয়ে যাবে ভগবান। খোকা আগে কাকাও বলে দেবে, আমার চারটে রাজভোগও আমার হাতে এসে যাবে।

—দাস প্রণব



ভগবান

ছেলেবেলায় তোমার গুরুমশাই কি তোমায় ধারাপাত পড়ান নি ? কেন জিগেস করচি ? মানুষের কটা হাত ? ছটো তো ? প্রেত্বেক হাতে কটা কোরে আঙুল । পাঁচটা কোরে তো ? তাহোলে পাঁচ ছগুনে কতো হয় দশ তো ? তুমি আমাদের গুরুঠাকুরের হাতে এগারটা দিয়ে বসে আছ, আবার আমাদের বামুনঠাকুরের মোটে আটটা । গুরুঠাকুরের তুল আঙুলটা ডান হাতের বুড়ো আঙুলের গোড়া থেকে বেরিয়েছে । আর ঠিক বুড়ো আঙুলের মতন দেখতে । যেন লবকুস ছটি ভাই । শুধু কুস একটু ছোট আর নড়তে চড়তে পারেন না লব যা করবে তাই । ঠাকুরমা পিসিমা সবাই বলছিলেন পুরুষের বেশি আঙুল হওয়া খুব ভালো লোক্কাণ । তুতিটা কি হিংসুটি ভগবান । যখন বললুম বললে তোকে বোকা পেয়ে ঐ বুঝিয়েছে । রাবণ রাজার তো অতো আঙুল । লোক্কাণের তো এই দেখছি বংশে বাতি দিতে কেউ রৈল না । কি যে হিংসুটি তুতিটা । ওঁদের নিজের গুরুঠাকুরের একটা কড়ে আঙুলও বেশি হোলে বোন্ধে যেতেন ।

আমাদের গুরুঠাকুর এসেছিলেন দিদিমার জন্মে পূজো সোসতেন করতে ভগবান । অসুখটা তো খুবই সকতো হয়েছিল ।

এদিকে দিদিমা আবার আমাদের সহোদর দিদিমা নয়, সহোদর দিদিমার সোতিন । আমার মার সতমা । কুটুম মানুষ অসুখ হয়ে পড়লে কখনও ফেলে রাখতে আছে ভগবান ? কেউ সেবা করব চিকিচ্ছে করব বলে নিয়ে গিয়ে টাকাগুলো নিকিয়ে নিগ আর কি ।


২৮

পোনের চিঠি

তাই আমি সেদিন যখন ঠাকুরমার কোলের কাছটিতে শুয়ে ঘুমুচ্ছি ঠাকুরমা বাবাকে ডেকে বললেন বেয়ানের অসুখ। পাড়াপরোসি ছেড়ে কুটুমবো পজ্জন্ত যখন হামড়ে পড়েচে তখন বোধহয় এ-যাত্রা আর টেক্‌চেন না। তুমি গিয়ে তাঁকে নিয়ে এস। নিজেরই জোন তো শেষ কালে বিঘোরে প্রাণটা যাবে। বাবা বললেন সেই জন্মেই তো ভয়। শেষকালে লোকে বলবে—বাঁচবে না দেখে টাকার লোভে বাড়িতে এনে তুললে। ঠাকুরমা বললেন তোমরা যতই নমকোবমফো করো সংসারের এখনও কিছু শেকোনি। যতোদিন বুড়োবুড়ি বেঁচে রয়েছি শিকে নাও। নোকে কি বলবে সে কথা না ভেবে গুরুজনে কি বলচে তাই শোনো। যে কটা বছর বেঁচে আছি হুজনে। একখানা অমন বাড়ি আর ঐ যেমন গুনচি হাজার পাঁচ ছয় টাকা নোকে কি বলবে মনে করে হেলায় হারাবার জিনিস নয় আজকালকার বাজারে। যাও নিয়ে এসো বেয়ানকে যতনো করে। অসুখের কথা শুনে পজ্জন্ত আমার মণ্টা যে কি আইটাই করচে, আহা, আপন জনই তো। রোগে কষ্ট পাচ্ছেন আর আমি পোড়াকপালি খাচ্ছি দাচ্ছি দিব্বি আচি। ভগবান এই সব দেখাবার জন্মে কতদিন যে রাখবেন বেঁধে। তুমি নিয়ে তো এসো তারপর লোকের খোঁতা মুখ কি কোরে ভোঁতা করতে হয় সে আমার জানা আছে। বেয়ানের যা কিছু আছে ভগবান না করুন তিনি গেলে বৌমাতে বরতাবে। সে কথা না ভেবে লোকে কি বলবে না বলবে সে ভেবে হকের ধন পরের হাতে তুলে দাও। আমরা গেলে এতবড় সমপোত্তিটা কি করে যে রক্ষে করবে ভেবে পাই না বাছা।

দিদিমা আসার সঙ্গে সঙ্গে মা-লক্ষি যেন উৎলে পড়লেন বাড়িতে

পোহুর চিঠি



ভগবান। কতরকম ডাক্তার আসচে যাচ্ছে, কতরকম ওষুধ কতরকম ফুড এলাহি কাণ্ড। সদোরে সবদাই মটোর বৈটকখানায় সবদাই লোক! নোনাকাঁকার দল যারা মড়া পোড়ায় আর বারোয়ারিতলায় ভলানটিয়ার হয়ে চৈচামেচি করে গোলমাল খামায় সবদা খোঁজ নিয়ে যাচ্ছে কেমন আচেন দিদিমা। চুপি চুপি খালি একজন ডাক্তার এসে চুপি চুপি দেখে চুপি চুপি চলে গেলে দিদিমা হয়তো চুপি চুপি ভালো হয়ে যেতেন। কিন্তু লোকের খোঁতা মুখ কি করে ভোঁতা হোত ভগবান? যখন বলত যে দেখেচ সংশাশুড়ি তো তাই একটু চিকিচ্ছেটা করালে না। তাতে যে খরচ। বুড়ি বেঁচে উঠল সেতো আপন কপাল জ্বোরে জামাই কি করলে। ঐ যে বুড়ো-বুড়ি রয়েছে মারকনডের প্রেমাই নিয়ে তারা কি করলে?

সেদিন আবার আমি যখন ঠাকুরমার কোলের কাছে ঘুমুচ্ছিলুম ঠাকুরমা জিগ্যেস করলেন পোহুর ঘুমুলি নাকি। আমি যখন উত্তর দিলুম না তখন বাবাকে ডেকে বললেন সব। বাবা বললেন মেলা সন্মিসিতে গাজন নষ্ট। এ ডাক্তারের একমত ও ডাক্তারের একমত এইতে মাঝখান থেকে রুগি শেষ হয়ে যেতে পারে। ঠাকুরমা বললেন সে রুগির অদেসটো। প্রেমাই তো কেউ দিতে পারে না বাছা আর প্রেমাই থাকলে হাজারটা ডাক্তারও একোত্তর হয়ে মেরে ফেলতে পারে না। আর আমাদের কি আর বাঁচার সক আছে বাবা। বেয়ান যাবেন কেন বালাই। তবে আমায়ই যদি আজকে কেউ বলে তোমার প্রেমাইটা ওঁকে দিয়ে দাও। দিয়ে দিলে উনি বেঁচে যাবেন তো এগুনি বোজা নামিয়ে মানে মানে সরে পড়ি। ওকি কথা। শাশুড়িকে মাথায় করে নিয়ে এসেচ শেসে চিকিচ্ছের কেফায়েৎ

পোন্সুর চিঠি

করবে? তুমি বলবে এক নিরোদ ডাকতারের হাতে ছেড়ে দিলেই রুগি নিরিবিলিতে সেরে উঠবে। লোক বলবে দেখেচ সৎজামাই কিনা তাই খরচের ভয়ে চিকিচ্ছেই করালে না।

চিকিচ্ছের ঘটার চোটে দিদিমার যখন আর নিস্‌সেস নেবার ফুরসৎ নেই ভগবান সেই সময় ঠাকুরমা বাবাকে ডেকে বললেন গুরুঠাকুরের কাছে লোক পাঠিয়ে দাও সোসতেনটা করিয়ে দিন এসে।

আহা সৎমাই হোন যাই হোন মার মাই তো দিদিমা ভগবান। নিজের গভ্‌ভে না ধোকুন, সৎ গভ্‌ভে তো ধোরেনেচেন দশমাস। তাই যখন ঘরে কেউ নেই ঠাকুরমাকে বললেন সোসতেন তো খুবই ভালো কিনতু গুরুঠাকুর পূজো সোসতেন করলে সে রুগি নাকি আর উঠে দাঁড়ায় না। তাই বলছিলুম। ঠিক এই পজ্জন্ত বলেচেন কি ঠাকুরমা ছিছি করে উঠলেন। তুমি স্থায়না মেয়ে হয়ে তোমার মুখে এই কথা বোমা। গুরু হচ্চেন সওঁ ভগবান। তিনিই যদি প্রেমাই না দিতে পারেন তো আর কে দেবে মা। অত অবিসসাস রাখতে নেই মনে। গুরুঠাকুর যদি দেনই পায়ের ধুলো বাড়িতে তো বাড়িসুছ্য পোবিত্তোর হয়ে যাবে। দেখো যেন কোন রকম অযতনো না হয়। আগে আসুনই, আমাদের কি তেমন ভাগ্যি হবে।

আমাদের তেমন ভাগ্যির চেয়েও আরও বেশি ভাগ্যি ভগবান। বিছ নাপতেকে যেতেও হোলনা তার পরদিন সকালে গুরুঠাকুর ঘোঁড়ার গাড়ি করে এসে সদরে নামলেন। জিতু যখন পোন্সু ছুটে আয় দেখবি বলে আমায় ডাকলে আমি ভাবলুম আরও ঘটা করে চিকিচ্ছে হবার জন্মে বুঝি যাত্রার দল নামলো ভগবান। গুরু-ঠাকুরের মাথায় একমাথা চুল আর জটা। এই দাড়ি এই চাউস ভুঁরি।

পোছুর চিঠি

গায়ে রাঙা টকটকে কালীতারা লেখা রামাবলি, রাঙা টকটকে কাপড় পরা। পায়ে খড়ম। আগে তো জানতুম না। মনে করলুম যাত্রার



যমরাজ নামলেন বুঝি। ঠিক সেই রকম চেহারা। ঠিক সেই রকম ভয়ানক ভক্তি হয় আর একটু একটু ভয় হয়। আর একজন ছিল সে গুরুঠাকুরের নফরসিদ্ধি। সব ঐ রকম। শুধু গায়ে রামাবলি আর

পোন্সুর চিঠি

পায়ে খড়ম নেই। আর বড় রোগা। পেসাদ তো বেশি খেতে নেই ভগবান। আহা কি কোরে গুরুঠাকুরের মতন নাহুসনুহুস শরীর হবে বলো। নফরসিস্তির হাতে একটি তালি দোয়া ছাতা আর খুব বড় একটা তালি দোয়া খুব বড় একটা ক্যামবিসের থলে। কি আচে তাতে ভগবানই জানেন।

তুমি জিগ্যেস করবে কেউ যদি আনতে না গেল তো গুরুঠাকুর এলেন কি করে। সে বড় আসচিয়া কানডো ভগবান। রুগিকে ছেড়ে সবাই যখন প্রেণাম করবার ছড়োছড়ি পড়ে গেচে একটু হেসে নিজেই বললেন কিনা। কাল রাত্তিরে সপনো দেখলুম মা যেন এসে বললেন ওদের বাড়িতে বিপদ আর তুই নাক ডাকিয়ে ঘুমুচ্ছিস? অপরাধ নিয়োনো মা অবোধ সনতানের বলে তক্ষুনি উঠে ছোট্ট ইসটিসানে। তারপর ভোরের টেরেন ধরেই এই আসচি। তা আচে কি রকম। সবাই ছোটো কিনা ওঁর কাছে কাউকে আচেন বলেন না তো! ঠাকুরমাকে জিগ্যেস করলেন তা আচে কি রকম তোর ছেলের সাউড়ি? ছিঃ মার অমন করে কখনও বলতে আছে ভগবান যে গুরুঠাকুর পুজোসসতেন ধরলে সে রুগিকে আর উঠে দাঁড়াতে হয় না। তা পুজোসসতেনে আর বোসতে পেলেন কৈ? বাড়িতে এসে পা দিয়েচেন আর সবাই পা থেকে ধুলো চুঁচু মাথায় দিচ্ছে এমন সময় মা দিদিমার ঘর থেকে চুঁচিয়ে উঠলেন ওগো সিগগির এসো মা কিরকম করচেন। কিরকম আর করবেন। সবাই গিয়ে দেখে সব শেষ একেবারে।

তারপর কি ঘটটাই হোল ভগবান তুমি যদি নাচির রূপ ধোরে এসে দেখতে। যেমনি শসানে নিয়ে যাবার ঘট। তেমনি মা যে

পোন্মুর চিঠি

চতুরথি করলেন তার ঘটা তেমনি ছেরাদ্দর ঘটা। বাজনা বাজি করে কেতন করতে করতে কড়ি খই পয়সা ছড়াতে ছড়াতে দিদিমাকে কাঁধে করে নিয়ে গেল। বিহু নাপতে বললে, আহা রাজরানি যেন মহালে বেরিয়েচেন তদারকে।

তারপর তেমনি চতুরথি, তেমনি ছেরাদ্দ। আগে ছেরাদ্দয় অত ঘটা করবার কথা হয়নি ভগবান। ঠাকুরমা বাবাকে বললেন মানুষটো যখন চিকিচ্ছেয় অতগুলো টাকা খরচ করিয়ে বেয়াকিলের মতন মরেই গেল আর ছেরাদ্দয় বাড়াবাড়ি করে কি হবে! লোকেদের না খাওয়ালেও যখন নিন্দে আর খাওয়ালেও নিন্দে এটা কম হয়েছে তো ওটা ওংরায়নি তখন ট্যাঁকের পয়সা খরচ করে নিন্দে কুড়িয়ে কি হবে। নোমো নোমো করে সেরে দাও। বাবা আর মা দুজনেরই ইচ্ছে ছিল একটু ঘটা করতে। কিন্তু বুঝি হোলো না।

তারপর ঠাকুরমার হঠাৎ নিজের জ্বর।

বৌদিদি বললেন ঠাকুরপো দেখো এইবার দিদিমার চতুরথি আর ছেরাদ্দ দুটো কাজেই খুব ঘটা হবে। আমি বললাম, কেন। না, দেখো না। ঐ ঠাকুরমাই বলবেন। বুঝলে না এখন ওঁর ভয় হবে আমি মারা গেলে ছেলেরা আমার কাজেও করবে না খরচ। আমার ভয় হোল ভগবান। জিগ্যেস করলুম সত্যি দিদিমার মত ঠাকুরমাও মারা যাবেন নাকি। বৌদিদি বললেন হুঁ। মারা যাবে ওঁর শত্রুর, বাতিকের জ্বর—তায় ডাকতারের হুড়োহুড়ি নেই একলা নিরোদ ডাকতার দেখচেন। ছুদিনেই সেরে উঠবেন। কিন্তু ভয় হয় না? আমি বুড়ো হলে আমারও হোত। তুমি দেখো হবে ঘটা।

ঠাকুরমাকে তো আমি বড্ড ভালোবাসি ভগবান। অসুখ হোলে

পোহুর চিঠি

আরও ভালোবাসি উনিও আরও ভালোবাসেন আমায়। কোলের কাছটিতে শুয়ে শুয়ে উনি যখন ডাকলেন তখন জোরে চোখ বুঁজে ঘুমিয়ে পড়েছি। তারপর ঠাকুরমা বাবাকে ডাকলেন। জিগ্যেস করলেন বেয়ানের কাজের ব্যবস্থা কি করচ? বাবা বললেন তুমি যেমন বলেচ মা। নমো নমো করে পাঁচটি বামোন খাইয়ে দায়ে খালাস হচ্ছি। ঠাকুরমা চটে গেলেন ভগবান। বললেন কি রকম আক্কেল তোমাদের। আমার বেয়ান আমি ঠাট্টা করে বলেছি বলে তোমরা মেয়ে জামাই হয়ে তাই করবে। বাবা বললেন তার ওপর তুমিও পড়ে মা। বাড়িতে হট্টগোল লেগে থাকবে। ঠাকুরমা আরও রেগে গেলেন। সে কিছু শোনা হবে না। আমি এখনও তো মরিনি। যেমন কোরে চিকিচ্ছে করিয়েছি সেই রকম করে চতুরখি ছেরাদ্দ করাব। ভালা জালা তো বেয়ানের সঙ্গে একটু ঠাট্টা করব তার জো নেই। আমি মোলে দেখছি আমার বেলাতেও তিলোকানচন করে নমো নমো করে সেরে দেবে পাঁচটি বামোন খাইয়ে। আর শোনো ঐ একা নিরোদ ডাকতার আমায় দেখবে। কাজের বাড়িতে আর চিকিচ্ছের হট্টগোলের দরকার নেই নিরোদের হাতেই মরতে হয় মরব, বাঁচতে হয় বাঁচব। যাও ব্যাবোস্তা করোগে। আজকালকার ছেলেপুলে ঠাট্টা বোজে না একি গেরো মা!

ভগবান সেই ঘটা যদি দেখতে। ছুদিন পাড়ার লোকে খেয়ে এলে গেল। ছেরাদ্দর দিন কেতন ঢপ তার পরদিন ভোজ তারপর দিন গাঁত ভোজন তার পরদিন কাঙালি বিদেয় ধন্তি ধন্তি পড়ে গেল।

পোন্নুর চিঠি

কিন্তু তুটিটা কি হিংস্রুটি ভগবান। সেই জন্মেই তো তোমায় চিঠিটা লিখতে বসেচি। গ্যাঁত ভোজনের দিন তো সবার নেমনতন্ন হয় না। তুতি, বিনু, জিতু, পুঁটি সবাই তুতিদের চিলের ছাদে খেলা করছিল। আমি আবার তুতিকে লব করি তো ভগবান বড় হোলে ওকে বিয়ে করব। কোঁচড়ে কোরে এতগুলি ছুটি আর সন্দেশ নিয়ে তুতিকেই দিতে গেলুম ভগবান। ওরা মনে করবে লব করি বোলে খালি ওর জন্মেই নিয়ে গেচি তাই বললুম এই তোদের সবাইয়ের জন্মে লুচি সন্দেশ সরিয়ে এনেচি খা। কাল কাঙালিবিদেয়ে আবার বোঁদে আছে নিয়ে আসব এইখানে থাকিস সবাই।

বিনু বললে খুব ঘটা হয়েছে তোদের। বাবা বলছিল নটু চৌধুরির বেলাও এমন হয় নি। ওদের আর তেমন অবোস্তাও নেই তো।

আমি বললুম এ আর কি হয়েছে। দেখবি ঠাকুরমা আর ঠাকুরদার বেলা।

কি হিংস্রুটি তুতি ভগবান। সন্দেশ দিয়ে ছুটি চিবোচ্ছিল। গোমরা মুখ করে বললে জন্মের মধ্যে কস্ম কান্তিক মাসে রাস। একটা দিদিমার ছেরাদ্দ করে কতই যে বড়াই করছিস পোনো। ঠাকুরমা ঠাকুরদাদার বেলা দেখিস হানো হবে ত্যানো হবে।

জিতু বললে কেন মিথ্যে বলেচে? তুতি আরও ধমক দিয়ে উঠল। চুপ কর। সব সেয়ালের এক রা। ছেরাদ্দ কাকে বলে যদি দেখতে হয় তো আমার ঠাকুরমার বেলায় দেখিস। কি বলব বুড়ি মরতে চাইচে না তাই। খুব ছেরাদ্দ করেচিস। ঐ নাকি কেত্তন ঐ নাকি ঢপ ঐ নাকি ভোজ ঐ নাকি কাঙালিবিদেয়। ঘেন্নায় মরি।

পোতুর চিঠি

কি হিংসুটি কি হিংসুটি ভগবান । তাই তোমার এই চিঠি দিচ্ছি ।
তুমি তো সব করতে পার । আর তুমি তো হিংসুটিদের ছুচোক্ষে
দেখতে পার না তাই তোমায় নিকচি তুতি হিংসুটির ঠাকুরমা যেন
কখনো কখনো কোন জন্মে না মরে । দেখি ও হিংসুটি আমাদের
চেয়েও ঘটা করে কার ছেরাদ্দ করে ।

ইতি—

দাস প্রণব



রাম রাম

ভগবান

তুমি ভুত বিসবাস করো? আমাদের বাড়ির সবাই করে ভগবান। আমি দিনের বেলায় একটু কম করি রাত্রির বেলায় খুব বেশি কোরে করি। তুতি দিনের বেলায় একেবারে করে না। বলে যেন ধরালি বেটাছেলে হোয়ে। ভুত আবার নাকি আছে! নেই যেন। কি বলো ভগবান। যখন ধরবে ঘাড় মটকে তখন সব মন্দান্তি বেরিয়ে যাবে। তুতি বলে রাত্রিরে যে নাম করতে নেই নৈলে দেখতিস তাও করতুম না বিসবাস। শাঁকচুল্লিতে যখন রকতো চুসে খাবে তখন করবেন বাবু।

ভুতদের গায়ে খুব খ্যামতা ভগবান। তোমার চেয়েও বেশি। তুমি কারুর কথা শুনতে হোলে তো মাটির বেশ ধোরে কাছে এসে উড়ে বেরাও, ভুতদের তাও করতে হয় না। হাওয়ার সংগে মিসে থাকেন। আবার যখন ইচ্ছে হয় যেমনকার তেমনি, ভয় দেখান ঘাড় মটকান মেরে ফেলেন। এই আমি চিঠি নিকচি তো। হাওয়ার সংগে মিশে দেখচেন কি নিকচি না নিকচি। কেন কিছু বলবেন ভগবান? আমি তো ভালই নিকচি। আর আমি তো বিসবাস করি। আমাদের বাড়ির সবাই। তুতির মতন তো নয়।

ভুতদের আরও এমন খ্যামতা কেউ নিজেকে কল্পনও দেখতে পায় না। ঠাকুমার পিসসাসুড়ি একবার দেখেছিলেন ভগবান। সে কথা মনে হলে এখনও ঠাকুমার গায়ে কাঁটা দিয়ে ওঠে। পিসসাসুড়ি

পোন্ধুর চিঠি

কথকতা শুনে আসছিলেন। কথকতা তখনও সেশ হয় নি, তাই সংগে যারা ছিল তারা বসেই রইল। পিসসাসুড়ি একাদসি কোরে ছিলেন সরিরটা কাহিল ছিল বললেন তাহোলে আমি একলাই যাই। সংগিরা বললে পারবে? না হয় বোসুই না আর একটু। পিসসাসুড়ি বললেন



তা পারবখোন। এইটুকু তো পথ। পথ ওবিস্তি বেসি নয়, তবে মাঝখানে একটা বাগান পড়ে আর সে বাগানটী নাকি ভালো নয়।

পোন্নুর চিঠি

ওঁরা থাকেন বোলে একটা বদনাম আছে গাঁয়ে। সত্যি মিথ্যে ভগবান জানেন। তবে রাস্তার ধারেই একটা বেলগাচ তার তাইতে নাকি লোকে কতবার কি দেখেচে। নিশ্চুতি রাত। জোচ্ছনায় ফিনিক ফুটচে। একলা বুড়ো মানুষ ঠুকঠুক কোরে আসচেন বাগানের কাছটায় এসে যেন মনে হোল না এলেই হোত গোঁয়ারতুমি করে। মনে হোল তো হোল তবু এগিয়েই চললেন। বেলগাচটা দিবি পেরিয়ে গেলেন তারপর আরো খানিকটা এগিয়েচেন এইবার বাগানটা পেছনে পড়ে যাবে নিসচিন্দি এমন সময় দেখেন রাসতার এপারোপার একটা বাঁস পড়ে রয়েছে। কে এমন বেয়াককেলে রা। এমন কোরে রাসতা জুড়ে বাঁস ফেলে রেখেছে? মনে মনেই ভাবতে ভাবতে পিসসাসুড়ি একটু দাঁড়িয়ে পড়লেন। বলে নাকি রাস্তার এই রকম পথঘাটের বাঁস নাকি ডিঙুতে নেই। কি করবেন ভেবে দাঁড়িয়েই রৈলেন খানিকখন। রাস্তার ছদিকেই খানা। তাতে জল দাঁড়িয়েচে। একদিকে বাগান। একদিকে খেতের আল। কি করবেন কি করবেন ভাবতে ভাবতে কি মনে হোল বললেন সেসকালে সাপের কামড়ে মরব তার চেয়ে ডিঙিয়েই যাই কি আর হবে। মুখ দিয়ে কথাটা বেরিয়েচে সেই সংগে একটা পাও তুলেচেন এমন সময় বনের মদে থেকে কে যেন বললেন নাকি সুরে নাঁ। গোঁ। তৌমায় আর কঁসটো। কোঁরে ডিঙিয়ে য়েতে হঁবে নাঁ। আর বলার সংগে সংগে বাঁসটা আসতে আসতে আপনি উঠে গিয়ে ঝাড়ের মোদে মিসে গেল। আর পিসসাসুড়ি? কথকতা ভাঙতে সবাই এসে দেখে রাসতার মাঝখানে দাঁতকপাটি লেগে পোরে আসচেন।

মাও ভুত দেখেননি ভগবান। বাবাও দেখেননি দাদাও দেখেননি তুতির খুরিমাও দেখেননি। নোনতুর পিসিমাও দেখেননি ভুতকে

পোন্নুর চিঠি

কেউ নিজে দেখতে পায় না কিনা। সর্ব্বাইয়ের কিনতু কেউ না কেউ দেখেচেই আর তারা কেউ মিথ্যে বলবার পাত্তোর নয়। কেন মিথ্যে বলতে যাবে ভগবান? তাদের গরোজ? দাদার এক বোনধুর কাকা একবার দেখেছিলেন। বুড়ো মানুষ পুজো না কোরে জল খান না তিনি মিছে বোলতে যাবেন? তুতির খুরিমার ঠাকুমা দেখেছিলেন। আমাদের বোলেচেন খুরিমা। আমার মা ককখোনো দেখেননি কেন মিচিমিচি দেখেচি দেখেচি করে বাহাছুরি নিতে যাবেন ভগবান। তবে ওঁর বড়দিদিমার কাচে শুনেচেন আর বড়দিদিমা শুনেছিলেন তাঁদের ধাইমাগির কাচে। বড়দিদিমা তখন আঁতুড়ে। আগে বলেনি ভয় পেয়ে যাবেন বোলে। তারপর যখন একটা মাস কেটে গেল, পুজো-টুজো হোয়ে বড়দিদিমা ঘরে উঠলো তখন বললে। ঞাও তোমাদের ছেলে তোমরা ঞাও। আমি বিদেয় হই। মা-সোসটি বড্ড মুখ রেখেচেন এবার। আর ভালো করে সিদে সাজিয়ে দেও বাপু নিসচিন্দি হোয়ে বাড়ি গিয়ে ভালো কোরে ছুটো খেয়ে সরিরে তাকুত করি। ও-কথা বলচিস কেন ধাই। কবে তোকে ভাল করে খেতে দেওয়া হয়নি বা কার বেলাই বা তোকে ভাল কোরে বিদেয় দেওয়া হয়নি ডালা সাজিয়ে। না, বলচি কি সাদ কোরে আর কখনো বোলেচি। এবার কি ও-ছেলে ঘরে তুলতে হোত মা। নেহাত আমি ওমুক ধাই (ধাই মাগির নামটা মার মনে নেই ভগবান) অমন ঢের ঢের পেঁচোর নাক কেটেচি তাই। নৈলে ও ছেলে কি পেতে আর তোমরা। কি কানডো খুলেই বল না। না, কানডো শুনলে তোমরা ভিরমি যাবে। জোচছনায় ফিনিক ফুটচে। তার সংগে ফুরফুরে হাওয়া। ছপুর রাত্তিরে ঘুমটা হঠাৎ ভেংএ গেল। উঠে দেখি তোমাদের বউ

পোহুর চিঠি

ছেলে কোলে করে দিবি নাক ডাকিয়ে ঘুমুচ্ছেন। তা ঘুমুন কিনতু একি হোল? ঘুমের চোখে ভুল দেখলুম নাকি? মনে হোল কে যেন এদিকটায় ছেলের পাসটিতে শুয়ে ছিল। এতকখন চকচক কোরে একটা সবদোও হচ্ছিল। কুকুরে যেমন গা চাটলে হয় না? মনটা অনেকখন কি রকম যেন হোয়ে রইল। তারপর ভাবলুম নাঃ মনেরই ভুল ঘুমের চোখে কি দেখতে কি দেখেচি। ঐ তো ছেলে চকচক কোরে মাই খাচ্ছে। আর কে শুয়ে থাকবে তুমিও যেমন। জানলার ধারের কোরুবি ফুলের ঝারটির ছাওয়া পরেচে ঘরে। ছুলচে। সেইটেকেই অমন ভুল করেচি। হাওয়াটা একটু ঠান্ডা। মালসায় আগুন রয়েছে। মনে করলুম তা হোলে ছেলেটাকে একটু তাপ দিয়ে দিই যখন উঠেচিই। তাহোলে জানলাটাও বনদো করে দিয়ে দি না হয়। কচি ছেলে। ঠান্ডা লাগতে কতক্ষণ। এই না ভেবে উঠে জানলাটা বনদো করতে যাব। একি? কোরুবি ঝাড়ের মোদে কে যেন দাঁড়িয়ে না সাদা কাপড়ে আগাপাসতলা মুড়ি দিয়ে? ভাবতে দেরি সংগে সংগে পোড়া কাটের মতন একটা লিকলিকে সোরু হাত বেরিয়ে এলো। দৈ নঁ দিঁয়ে দৈ নঁ ওঁ ছেঁলে কিঁ রাঁখতে পাঁরবি? আঁমার জিঁব লাঁগিয়ে দিঁয়েচি! দিঁয়ে দৈ আঁমায়। ধাইমাগি বলে বাহাহুরি নেব না মা আমার তো পেরখোমটা ভয়ে বাকরোধ হোয়ে গেল। তার পরেই সার ফিরে এলো। এই কাজই করচি তো চিরকাল। বললুম বটে! আমি ওমুক ধাই (নামটা মার মনে নেই ভগবান) আমি ঘরে আর মার কোল থেকে ছেলে নিয়ে বাবি? আয় না আয় তুই কতবড় সাঁকচুনি দেখি। তোর নাক কেটে যদি মালসার আগুনে না ফেলি তো আমার নাম ওমুক ধাইই নয়।

পোতুর চিঠি

পোয়াতির বালিসের নিচে একটা কাটারি থাকে তো। এই না বোলে
তাড়াতাড়ি এসে বের কোরে নিয়ে আবার গেচে। কোথায় সাঁকচুনি
কোথায় কি ?



সোমোসতোটা বোলে ধাইমাগি বললে বিসমাস না হয় নিয়ে

পোন্সুর চিঠি

এসো তোমাদের ছেলে। ভয় পাবে বোলে এতদিন বলিনি। আর তো সে ভয় নেই। ছেলেকে নিয়ে আসা হোলে বোললে ওলটাও কাঁধের কাছটায় আমি তো আর ছোঁব না। ঘাড়ের কাছটা ওলটাতেই ঠিক কানের নিচে একটা কালো দাগ। সাঁকচুন্নির জিবের চাটা তো ? জরুল জরুল কোরে পাড়ার পাঁচজনে উড়িয়ে দেবার চেষ্টা করলে কিন্তু জরুল বললেই তো জরুল হোয়ে যাবে না। তবে হ্যাঁ লোকে যদি বলে যে সাঁকচুন্নিতে চেটে জরুল কোরে দিয়েছে তো সে আলাদা কথা। মার মামা তো। ছেলেবেলায় নাম পোড়ে গিয়েছিল এঁটো। মারা বলতেন এঁটো মামা।

ভুতেরা মাছ বড্ড ভালবাসেন ভগবান। পেতনিরা আরও বেশি, ওরা মেয়েমানুষ কিনা। কেউ যদি মাছ কিনে নিয়ে যায় আর ওঁরা দেখতে পান তো আমায় এঁকটু দিঁবি না আমায় এঁকটু দিঁবি না বোলতে বোলতে ঠিক পিছু পিছু যাবেন। ককখনও দিতে যেয়োনা ভগবান ককখনো ঘাড় ফিরিয়েও দেখো না। তাহোলেই ঘাড় মটকে দেবেন। বলতে হয় আয় না দিচ্ছি আয় না দিচ্ছি। এই বোলে বোলে ভুলিয়ে নিয়ে যেতে হয়। তারপর যেই বাড়ির কাছাকাছি এসে পড়বে ওঁরা আপনিই সরে পড়বেন। মানুষের কাছে থাকতে পারেন না কিনা। সবচেয়ে বড় ওসুদ রামনাম। রামনাম বলতে বলতে তুমি সশানের মাঝখান দিয়ে চলে যাও কিছু কোরতে পারবেন না। আমি তাই চিঠির মাথায় রামরাম নিকে রেখেছি ভগবান। ওঁরা তো দেখচেন হাওয়া হোয়ে উকি মেরে কি নিকচি না নিকচি। কিনতু কিছু করতে পারবেন না। আর চমৎকার একটা ছড়াও আচে ভগবান। তোমায় নিকে দিচ্ছি।

পোনুর চিঠি

ভূত আমার পুত সাঁকচুন্নি আমার বি

রাম লকখন বুকে আছেন কোরবে আমার কি

হ্যাঁ ভগবান সত্যি রামনাম নিলে ভূতে কিছু করতে পারেন না।
সুধু কি তাই। কেউ যদি মরবার সময় মুখে রামনাম নিয়ে মরে তো
হাজার পাপ করুক ককখনো ভূতও হবে না পেতনিও হবে না।
ড্যাংডেংইয়ে সগগে চলে যাবে।

ভগবান, সেইজন্তে এবার তোমায় একটা কথা বলব ভগবান।
পোনতুর কথা। আহা বেচারি পোনতু। আমাদের এই সেদিন
হাপিয়ারলি পোরিফা হোয়ে গেল তো? পোনতু বেচারি পাস করতে
পারলে না। কি কোরে করবে ভগবান? মহাদেব মাষ্টার যে অংকে
একেবারে গোলা দিয়ে দিয়েচে। আমরা তো ওরই বল নিয়ে
বিকলে খেলা করি। চৌধুরীদের পুকুর ধারে তাই ডাকতে
গিয়েছিলুম। তা কোথায় পোনতু? ওর পিসিমা বললেন—ফেল
কোরেচেন নজ্জা তো আছে। ছাখো কোথায় কোনেকানে নুকিয়ে
আচেন মুখ দেখাবেন কি কোরে? বাড়িতে কোথাও পেলুম না
ভগবান আমি আর বংকা ছিলাম। কি আর হবে মহাদেব মাষ্টারের
জন্মে আজকের খেলাটাই মাটি। এই না ভেবে আসতে আসতে
বেরিয়ে যাচ্ছি পোনতুর বোন ঢেঁপি বললে কেন পোনতুদাতো
ঘোসেদের পুকুর ঘাটে বোসে রয়েচে দেখলুম। সাপলা ফুল আনতে
গেছলুম। পোনতুদা আরও সব্বাই। ছোট তখন ঘোসেদের পুকুরে।
ঘোসেদের মজাপুকুরের চারদিকে জংগল। দেখি ভাঙা ঘাটের শানে
সবাই বোসে রয়েচে। পোনতু, পটলা, বাঁটুল, সান্ন, নিধে। তোরা
সব এখানে বসে যে খেলবি নি? বাঁটুল বলল—আর খেলা। খেলা

পোনের চিঠি

সেশ হোল এবার পনতা আপতোহত্যে হবে। জিগোস করলুম কেনরে। না, গোল্লা খেলে কারো ইচ্ছে হয় বাঁচতে! পটলা বললে



খোলুমি কোরে গোল্লা দিলে কিনা তাই জন্মে পোনতুর এত দুঃখ। আমি বললুম তা এ তো হাপিয়ারলি। পেলেই বা গোল্লা ইয়ারলিতে পাস কোরলেই তো হোল। পোনতু বড্ড ভালো ভগবান। আর ও আপতোহত্যে করলে ফুটবলও তো বনদো হবে আমাদের। তবে বড্ড দুঃখ হয়েছে তো। রেগে গেল। বললে বলচিস তো। ও আমায় ইয়ারলিতেই পাস কোরতে দেবে? তার চেয়ে যাই আমি। ও খুসি হবে। হেডমাষ্টারও খুসি হবেন পিসিমাও খুসি হবে। বাঁটুল বললে সন্দের সময় যখন কেউ থাকবে না সেই সময় জলে ডুবে আপতোহত্যে করবে। কেউ আপতোহত্যে করলে কখনও মনে মনে

পোন্নুর চিঠি

ভাবতে আচে ভগবান যে আমি আগে খবর দেবো তো আমি আগে খবর দেবো? হিঃ। আমরা সবাই মনে খুব কসটো হোয়ে চুপ কোরে বোসে আচি কখন সন্দে হবে কখন সন্দে হবে। আমি পটলার কাছে ছুটতে পারি না ভগবান। ঠিক কোরেচি ওকে লেংগি দিয়ে এগিয়ে যাব এমন সময় তুতি সাপ্লা ফুল তুলতে এসে দেখে আমরা সবাই জটোলা করচি। জিগোস করলে তোরা এখানে ভাগাড়ের স্কুনির মতন সব বোসে কি করচিস র্যা? খেলা নেই তোদের। তুতিটা বড্ড খোলি আর হিংস্রটি তো কেউ কিছু না বোলে চুপ কোরে রইলুম। বললে কাজ নেই বোলে। আমিও এই চললুম ঘোস পিসিকে বলতে ওগো দেখোসে এসে। সব মতলব কোরে ঘাটে বসে মিটিন করচে সন্দে হোলেই তোমাদের গাচের কচি আমগুলোর ভুসটিনাস করবে। কি খোলি কি হিংস্রটি ভগবান। তখন ওকে ডেকে বলতেই হোল সব কথা। শুনে তুতি গালে আঙুল ঠেকিয়ে বললে—কি বুদ্ধি তোদের রে। ঘেন্নায় মরি। এই বুদ্ধি নিয়ে পাস করবি? মহাদেব মাষ্টার যে তোদের সবগুলোকে গোলা দেয়নি একটা একটা কোরে এই তোদের ভাগ্যি। উদোর পিণ্ডি বুদ্ধোর ঘাড়ে আর কাকে বলে? কার দোষ আর কে তার জন্মে সাজা নিতে যাচ্ছে মাথা পেতে। জিগগেস করলুম কেন কি হয়েছে। না, কিচ্ছু হয় নি ডুবে মরতে দে ওকে। সংগে সংগে তোরাও ডুবে মর। বেঁচে থেকে কি উবগার করবি। অনেকক্ষণ এই রকম কোরে নাক সিঁটকে সিঁটকে সেসকালে বললে ভগবান। বললে কেন তোরা তো সব ভুত বিসবাস করিস এই আমার বুদ্ধি নিয়ে দেখ।

ভগবান তুতি সত্যি বড্ড বুদ্ধিমান। সেই জন্মেই তো আমি

পোনুর চিঠি

ওকে এত লব করি আর বড় হোলে ওকে বিয়ে করব ঠিক কোরেচি।

পোনতুদের পোসচিমে চাকর মাখনার তো বড্ড অসুখ। অনেক দিন থেকে ভুগচে। ওসতিচম্বোসার হোয়ে গেচে আর বোধ হয় বাঁচবে না। তুতি বললে মরে গিয়ে ভুত হলে তখন আবার আগেকার মতন চেহারা হোয়ে ও আবার একেবারে পালোয়ান ভুত হবে। মহাদেব মাসটারের তো অমন চেহারা। গাঁট্টা-গোঁট্টা। এই দাড়ি। তা মাখনা ভুতের কাছে সব দাড়িফাড়ি বেরিয়ে যাবে। মাখনা পোনতুকে খুব ভালোবাসত তো। পোনতু গিয়ে ওকে বলবে মাখনা



তুই তো যচ্চিসই। গরীব মানুস কিছু পুন্নি করতে পারিস নি তাই মোরে গিয়ে যখন ভুত হবি একদিন সন্দের সময় যখন মহাদেব মাসটার ঘোসাল দাছদের ওখানে পাসা খেলতে যারে মট করে ঘাড়টা দিস মটকে। গরীব মানুস তো ভগবান। অহা। তাই আমরা

পোহুর চিঠি

সবাই মিলে টিফিনের পয়সা জমিয়ে মাখনাকে কিছু দিয়েও দোব ঠিক করেচি।

কি চমৎকার বুদ্ধি তুতির ভগবান। আমরা সবাই ওকে এক কোঁচড় আম পেড়ে দিলুম।

আম নিয়ে তুতি বললে নাপাচ্ছ তো। কিনতু একটা দিকে নজর রেখো। মাখনা মরবার সময় আবার রামনাম না করে বসে। তাহলেই সব মাটি। তখন কার সাঙ্গি আর ভুত হবে! রতে কোরে সোজা সগগে একেবারে। তোমাদের নাপানাপিই সার হবে।

তাই তোমায় নিকচি ভগবান। সত্যি পোসচিমে চাকরেরা বড্ড রামনাম করে তো কথায় কথায়। মাখনাও যদি কোরে বসে তো আমাদের এত কসটো যে মিচে হবে ভগবান। তাই তোমায় মনে মনে অনেকবার অনেকবার পেন্নাম কোরে নিকচি মরবার একঘণ্টা আগে মাখনার যেন নিধের দিদিমার মতন বাকরোধ হয়ে যায়! একটি কথা মুখ দিয়ে না বের করতে পারে।

আর সুরেস ডাকতার যে বলেছে বাঁচিয়ে তুলতে বোধ হয় পারবে এ যাত্রা সেদিকটাও একটু কড়া নজর রেখো ভগবান। আহা নোনতা বড্ড ভালো গো।

ইতি—

দাস প্রণব



ভগবান,

মা ছুগ্গা তোমার কে হন। তুমি তো মা লক্ষী আর মা সরস্বতিকে বিয়ে করেছ ভগবান? আর মা লক্ষী আর মা সরস্বতি তো মা ছুগ্গার মেয়ে তাহলে মা ছুগ্গা তোমার শাশুরি হোলেন না? আমরা সবাই তাই বলছিলাম। আমি বাঁটুল নোনতু জগু শিবু। তুতি বললে ঘেন্না ধরালি তোরা ঠাকুরদের নাকি ওরকম হয়। আমি বললাম হয় না যেন। তুতি বললে তোরা মা ছুগ্গাকে কি বলিস। বললাম কেন সবাই যা বলে তাই বলি। মা ছুগ্গা বলি। তুতি বললে তাহলে মা লক্ষী আর মা সরস্বতিকে বড়দি আর মেজদি বলিস না কেন। আচ্ছা বল এঁদের ছুবোনকে কে বিয়ে করেছে। জগু বললে—কেন নারায়ন। বৈকুনঠে থাকেন। উঃ কি মস্ত বড় কথাই না জিগ্গেস করেচিস। তুতি বললে জামাই সোসটি এসে গেল। এবার তোদের জামাইবাবু সম্বরবাড়ি যাবেন তো কৈলেসে?

হেসে একেবারে লুটোপুটি খেয়ে গেলেন মেয়ে। খুব ঠকিয়েচেন যেন। মসতো বড়ো মদ। আমরাও যেন জানিনা ঠকাতে। যদি বলতুম তোদের নিজেদের জামাই সোসটি এবারে কি করে হয় তাই ভাবগে তাহলে অমনি ভঁা করে কেঁদে ফেলতেন মেয়ে। বলতেন আমায় মুকপোড়ারা বলেচে। আছুরি ছিঁচকাছনি কোথাকার।

তোমায় সেই কথাই লিখতে বসেচি ভগবান। ওদের জামাই

পোহুর চিঠি

সোসটি তো হবেনা এবার। কি কোরে হবে বলো না তুতির ঠাকুমা যে মায়া কাটিয়ে চললেন। ডাক্তারে জবাব দিয়েচে। পেরায় আসি বছর হোলো শরিরে আর কি আছে বলোনা যার জোরে ডাক্তাররা চিকিচ্ছে করবে। আজ যায় তো কাল নয় এই রকম অবোসথা। আমার ঠাকুরমার গংগাজল হোতেন তো। সেই কোন্ ছেলেবেলায় পাতিয়েছিলেন যখন নোতুন বউ হয়ে ছুজনে এলেন পাড়ায়। ছুজনের বয়েস দশ আর এগারো। তুতির ঠাকুমা আগে এলেন। টুকটুকে মানুসটি কথায় কথায় ফিকফিক ক'রে হাসি। উনিই বললেন এসো ভাই আমরা ছুজনে গংগাজল পাতাই। ঐ নিয়েই ছুবাড়িতে খাওয়া-দাওয়ার কি ঘট। কি না ছুবোয়ে গংগাজল পাতানো হচ্ছে। আর আজকাল? লাহিড়িদের মেয়ের বিয়ে হোল কাক্কোকিলে টের পেলেনা। শুধু জনকতক বাচা বাচা লোককে টেবিলে বসিয়ে একসরা করে বুরিভাজা ডালমুট ছুটো করে সনদেশ ছুটো করে পানতুয়া। কি না যহু লাহিড়ির মেয়ের বিয়েতে গারডেন পাটি হচ্ছে। বড় নোক। চোরা কারবারে আঙুল ফুলে কলাগাচ হয়েছে। তিনখানা মটোর বাড়িতে। নিপাত যায় না এমন বড় নোকে? ভগবান কি চোখ বুজে আচেন?

হুঃখু করে সব বলছিলেন আমার ঠাকুমা। পুরোনো সংগি চোলে যাচ্ছেন তো। বলছিলেন আর কেন অনেক তো দেখালেন ভগবান এইবার গংগাজলের সঙ্গে আমায়ও ছিচরনে এসখান দিন। শুনে শুনে এত কসটো হচ্ছিল ভগবান আমার।

ভগবান ঠাকুমা তো পুন্নিবতি। তাঁর কথা তো ঠেলতে পারবে না। তা এখন শুধু যহু লাহিড়িকে নিপাত যাওয়াও ভগবান। সবাই

পোন্মুর চিঠি

তো হাঁ করেওছিলুম যে কতো না ঘট করা হবে। ওকে একদিন মটোরে মটোরে ধাক্কা খাইয়ে দাও। বড়লোকি করে গারডেন পাটি দেওয়া বেরুগ চোরাবাজারে টাকা কামিয়ে।

ঠাকুমাকে কিন্তু এখন আর ছিচরনে এসথান দিও না ভগবান। ঠাকুমা গেলে আমি একদিনও বাঁচব না। আর এ কথাও ভেবে দেখোনা ভগবান হুজুনকে তুমি একসঙ্গে কি কোরে ছিচরনে ঠাই দেবে। হুজুনেই যে পেলায় মোটা। তুতির ঠাকুমা আবার আমার ঠাকুমার বাবা।

না আর কোন আসাই নেই বুড়ির। কাল রাত্তিরে তো আমাদের বাইরের ঘরে দাদাদের রিহারসেলও বনদো ছিল। কারুর মনে তো সুখ নেই। পাড়ার মধ্যে থেকে অত পুরনো একটা মানুষ চোলে যাচ্ছে সবাই কতো আদর যতনো খেয়েচে ওঁর হাতে ফিলিং আসবে কোথা থেকে যে রিহারসেল দেবে ভগবান। নিয়ে যাবার সময় কেতন পাটি বের করতে হবে কে কে যাবে কার কার আফিসে দরখাস্তো করতে হবে সেই কথাই হচ্ছিল। রমোনিদা তুতির মেজো কাকাকে বললে তোর ঠাকুমা তো পাকা ঘুঁটিরে। পাকা চুলে সিঁছর পোড়ে সোয়ামির কোলে মাথা রেখে বৈকুনঠে যাচ্ছে বুড়ি, অমন জলজলে সংসার রেখে। ঘটটা কোরতে হবে। এমনিসেমনিতে রাজি নয় আমরা। বেরসো করতে হবে। অতুলদা বললে অনতোতো তিনটে খাঁট চাই চাই। কাঁদকাটেও যে দু'খান করে জিলিপি ঠেকিয়ে ছেড়ে দেবে, যত্ন লাহিড়ি মার বেলায় যেমন করলে সিটি হবে না। তারপর গাঁত ভোজনেও ঠেলে উঠব আমরা। নাই বা হোলুম গাঁতি। ও ভাবলেই গাঁতি না ভাবলেই কেউ নয়। এই তো সাহাদের কথাই

পোন্সুর চিঠি

ধরো না দশদিনের গ্যাতি অথচ মুখ দেখাদেখি নেই। সব্বাই আমরা গিয়ে একথানা কোরে পাতা নিয়ে বোসে পড়ব নোটিস দিয়ে রাখচি।

আহা কতদিনের পুরনো মানুষ যাচ্ছে পারা থেকে চোলে সব্বারই এই রকম মন খারাপ, কে দেবে রিহারসেল আর কে করবে কি। আমিও মন খারাপ হোয়ে ইসকুলে যাবো না ঠিক করেছিলুম ভগবান, কিনতু কখন কি হয় ভেবে দাদা পেট কামড়ানোর নাম করে আপিসে দরখাসতো পাঠিয়ে বাড়িতে বোসে রইল তো। যেতেই হোল আমায়। কি ফাঁকিবাঙ্গ দাদা ভগবান। মিথ্যেরও একটা সিমি থাকবে তো? তারপর তুমি রাগ কোরে যদি ছেরাদ্দর দিনই পেট ব্যাতা করিয়ে দাও তখন। আমি কিনতু ফাঁকি দিতে যাই নি ভগবান। সত্যিই মন খারাপ হোয়েছিল। সত্যি সত্যি সত্যি এই তিন সত্যি গাললুম। রাগ করো নি তো? যদি কোরে থাক রাগ ভগবান তো আগেই কোনদিন আমার পেটে একটুখানি ব্যাতা করিয়ে দিও। একটুখানি। আর খেয়েদেয়ে ইসকুল যাবার ঠিক আগে। ছেরাদ্দর দিনটা আমায় খুব ভালো রেখো ভগবান।

বাঁচবার আশা যখন আর একেবারেই নেই তখন আর কেন। সাদাল্লাদ যদি কিছু থাকে তো মিটিয়ে দেওয়া উচিত নয় এই বেলা গ্যান থাকতে থাকতে? কিনতু সে কথা প্রাণ ধোরে জিগগেস করে কে সেই তো হয়েচে সমিস্‌সে। থাকবে না কেন। সব্বাই এসে গেচে চারিদিক থেকে শেস দেখা দেখবার জন্মে। ছেলেমেয়ে নাতি-নাতকুড়। বাড়ি ঠাসা। কিনতু অমন মোক্ষম কথাটা জিগগেস করে কে? সেসকালে তুতির ঠাকুদাদা বললেন কেন ও যাচ্ছে তার আর ছঃখুটা কি? এমন যাওয়া কে যেতে পারে? দুদিন পরে তো আমিও

পোন্মুর চিঠি

আসচি । সোজা কথাটা জিগগেস করবে তার আবার সমিস্বে । এই আমি গিয়ে জিগগেস করচি । নাটি ধোরে ঠুকঠুক কোরে কোন-রকমে একটু একটু চলতে পারেন । আমরাও সবাই বুড়োবুড়ির কি কথা হয় শোনবার জন্যে পেচনে পেচনে গেলুম । তুতির ঠাকুরদা জিগগেস করলেন—বড়গিনি কিছু ইচ্ছেটিচ্ছে হয় খেতেটেতে । এর পরে তো সেই বৈকুনঠে গিয়ে খাওয়া । চারিদিকে সবাই একেবারে চুপ কোরে আছে এতটুকু শব্দো নেই কোনখানে । কিন্ত হোলে কি হয় ওঁরও কান নেই অসুখ হোয়ে আরও গেচে এঁরো গলার আওয়াজ নেই । তুতির ঠাকুরমা পিটপিট কোরে মুখের দিকে চেয়ে রইলেন । চিনতে পারচেন না আর কি । তখন তুতির বড়পিসিমা এগিয়ে গিয়ে মুখটা নামিয়ে নিয়ে গিয়ে জিগগেস কোরলেন । মা কিছু ইচ্ছে হয় খেতেটেতে ? কে শুনচে । চেয়েই রইলেন পিটপিট কোরে । তারপর তুতির বড়পিসিমা কয়েকবার চোঁচাতে যেন সাড় হোল । কে, মাতু ? বড়পিসিমার নাম মাতংগিনি তো । বললেন হ্যাঁ আমি মাতু ? জিগগেস করছিলুম কিছু খেতেটেতে ইচ্ছে করে তো বলো । তুতির ঠাকুমা খুব কসটে একটা আঙুল একটু ঠাকুদার দিকে তুলে বললেন ওকে । সবাই চুপ হয়ে গেল । বুড়ি বলে কি ? বড়পিসিমা ওঁকে না শুনিয়ে বললেন একে ভিমরতি তাতে শেষ দশা তোমার মাথায় আর কিছু আছে কি ? জোরে বললেন ওতো বাবা দাঁড়িয়ে আছেন । খাবে কি গো !

আসলে তাই হয়েছিল ভগবান । পরে ঠাকুরমাও শুনে বললেন কিনা । বললেন ভিমরতি হয়েচে মাতুর আর যারা শুনছিল তাদের । হাজার শেষ দশা হোলেও ওকথা কখনও বোয় মুখ দিয়ে । গংগাজল

পোন্মুর চিঠি

জিগগেস করেচে ওকে দাঁড়িয়ে। চিনতে তো পারচেনা। তা ওঁরা বুঝলেন ওকে খাব। পোড়া কপাল। বলিহারি এমন বুদ্ধির।

তাই হয়েছিল ভগবান। বড়পিসিমা যখন বললেন বাবা দাঁড়িয়ে তখন হাতটা অনেক কসটে মাথার দিকে একটু এগিয়ে নিয়ে গেলেন। এই তখন গিয়ে বড়পিসিমা বুঝতে পারলেন। সোয়ামি কিনা তাই মাথার কাপড়টা তুলে দিতে বলচেন। পিসিমা যতনো কোরে কপাল পঙ্কজ টেকে নিয়ে আবার জিগগেস কোরলেন বলছিলুম কিছু খেতে ইচ্ছে হচ্ছে 'মা। প্রথমটা বুঝতেই পারলেন না তারপর আবার ঠাকুরদার দিকে আঙুল তুললেন। মনে হয় তো ঘুরেফিরে ওঁকেই আবার খেতে চাইচেন ভগবান? তাই সবাই আবার চুপ করে গেল। তখন ঘোষেদের দাসুপিসি ধমকে বললেন উনি বলচেন কি আর তোমরা বুঝ কি। উনি বলচেন জেটামশাইকে সরিয়ে দেবার কথা। সোয়ামীর সামনে কি কেউ বলতে পারে এটা খাব ওটা খাব? পোড়া-কপাল। এ তো লাহিড়িদের আত্মনিক নেকাপড়াশেখা ছোটবৌ নয়। বরের সংগে ইস্টাইল দেখিয়ে মটোর গাড়িতে বেড়াতে গেল তারপর হোটেল থেকে মুখোমুখি হোয়ে একপেট গিলে এসে পেট ঢোল কোরে বিছানায় পড়ল। মুয়ে আগুন।

বড্ড ক্যাটকঁটি তো ঘোসেদের দাসুপিসি ভগবান। মুখ খুললে আর রোস্কে নেই। বড়পিসিমা বললেন তাই হবে। তুই ঠিক বলেচিস দাসু। তুতির ঠাকুরদাকে চেষ্টিয়ে বললেন বাবা তুমি একটু সরো। কিছু বোধ হয় চান খেতেটেতে মা। তা তোমার সামনে কি কোরে বলবেন। বুড়ো তখন একটু হেসে আবার ঠুকঠুক করে নাটি ধোরে ঢোলে গেল। বললে তা যাচ্চি তবে কি খেতে চায় বলিস আমায়। এখনও নজ্জা।

পোহুর চিঠি

বলতে যে হোলই ভগবান। না বোলে করবে কি? বুড়ো যখন চোলে গেল বড়পিসিমা মুখটা এগিয়ে নিয়ে গিয়ে বললেন মা এবার বলো কি খেতে সাদ হয়। বাবা চলে গেছেন। হাত নেড়ে একটু হাসলেন। তবুও বলো না। মেয়ের কাছে নজ্জা কি। সনদেশ, রসোগোল্লা, খিরমোহন, কালোজাম, ওমিরতি? ময়রার দোকানে যত রকম খাবার আছে নাম করলেন। শুনে শুনে আমার মুখ ছারা সন্ধ্যার মুখে জল এসে গেছে ভগবান। বুড়ি কিন্তু কিছু বললে না। তারপর ঠোঁট নেড়ে যেন কি বলতে চাইছেন দেখে বড়পিসিমা কানটা আরও এগিয়ে নিয়ে গিয়ে তখনি দাঁড়িয়ে উঠে বললেন তাই বলো। মা আমার মাচের মুড়ো খেতে চাইছেন।

তখুনি পুকুরে জাল ফেলে টাটকা রুই মাছ ধরা হোল তখুনি রাঁদা হোল তখুনি একটা রেকাবি কোরে বড়পিসিমা নিজেই নিয়ে এসে বললেন মা এই এনেচি মাছের মুড়ো। আবার কিমিয়ে পড়েছিলেন তো কয়েকবার চোঁচাতে সার হোল। চেয়ে দেখলেন মুড়োটার দিকে। তারপর আবার একটু আঙুল তোলবার চেষ্টা কোরে কি যে বলে বুড়ি কেউ আর বুঝতে পারে না। বড়পিসিমা একবার মুড়োটা একটু ভেঙে নিয়ে মুখে দিতে গেলে মুখটা ঘুরিয়ে নিলেন।

কেউ কিছু বুঝতে পারে না কেউ কিছু বুঝতে পারে না এমন সময় ঘোসেদের দাসু পিসিমা কোথায় গেছিল এসে উপস্থিত হোল। কি হোয়েচে তোমাদের। খেলেন জেঠাইমা মুড়ো? বড়পিসিমা বললেন না এই দেখ না ভাই বিরবির কোরে কি বলছেন আঙুল তোলবার চেষ্টা কোরচেন, মাছের মুড়ো এগিয়ে নিয়ে যাও মুখ ঘুরিয়ে নিচ্ছেন। কিছুই বুঝতে পারচি না। দাসু পিসিমা আবার বড়পিসিমার সহ

পোন্সুর চিঠি

হন কিনা। ছেলেবেলার পাতিয়েছিলেন। বললেন মুয়ে আগুন মাথায় কিছু আছে তোমার যে বুঝতে পারবে? তোমার চেয়ে ঐ মাহের মুড়োটোর মদে পদাখ্য আছে। বলি জেঠাইমা কি দত্তদের আহুরি মেয়ে বেলারানি? সোয়ামি খেলে কি না খেলে কার বয়ে গেচে। রানি নিজের বাকোড় ভোরে নিয়ে চোললেন বাসকোপ দেখতে। আমার বুদ্ধি নিয়ে এক কাজ করো দিকিন কেমন না খায় বুড়ি। মুড়োটুকু নিয়ে গিয়ে জেঠামশাইয়ের একটু মুখে দিয়ে উচ্ছিসটো করিয়ে নিয়ে এসো। আসি বছরের বুড়ি পাকা চুলে সিঁছর পরে বৈকুনঠে যাচ্ছেন সোয়ামির কোলে মাথা রেখে। উনি নাকি সোয়ামি পেসাদ না করে দিলে মুখে দিতে পারেন কিছু।

আসচর্যি ভগবান ঠিক তাই হোলও। বুড়োকে একটু খাইয়ে বড়পিসিমা এসে চেষ্টিয়ে বললেন মা বলচি কি বাবা খেয়েচেন এইবার একটু খাও দিকিন। এইবার মুখে একটু হাসি ফুটল বুড়ির। সে কি মিসটি হাসি ভগবান। সবাই বললে কটির মুখেও হাসি দেখেচি যুবির মুখেও হাসি দেখেচি কিন্তু এ যা হাসি দেখলুম না কোথাও দেখেছি না কোথাও দেখেবো। খাবেন আর কি ভগবান। একটা সাদ ছিল মোনে সেটুকু মিটিয়ে নেওয়া। একটু কোণ ভেঙে বড়পিসিমা মুখের কাছে ধোরলেন। আমাদের খোকা যেমন বৌদিদির মাই খায় চুকচুক কোরে সেইরকম কোরে একটু চুসে চুসে খেলে বুড়ি তারপর মুখটা ঘুরিয়ে নিলে।

ভগবান সোনদের সময় আমি একলাটি পুকুরঘাটে বসে আছি তুতি এসে উপস্থিত হোল। আমি ওকে খুব লব করি কিনা বড় হোলে বিয়ে করব। জিগগেস করলুম কি রে তুতি। তুতি মুখটা চুন কোরে

পোহুর চিঠি

বললে পোহুর কি হবে ভাই। জিগগেস কোরলুম কেন কি হয়েছে। বোললে কি হয়েছে দেখতে পাচ্চিস না? ঠাকুমা তো বৈকুনঠে চলল। বললুম সে তো ভালোই। লোকে কতো তপিস্থে কোরে যেতে পায় না তোর ঠাকুমা তো শুছ পাকা চুলে সিঁছর পরে বোলে ড্যাং ডেঙিয়ে চললো। সেখানে কত সুখে থাকবে। তুতির চোখ দুটো ডবডব কোরে উঠল। বললুম তুই কাঁদচিস নাকি? বললে কাঁদব না? দেখলি তো ঠাকুমা কতো মাছ ভালোবাসে। তেমনি মাংসও। রসগোল্লা গেল, সন্দেশ গেল, বললে আমায় মাছের মুড়ো এনে দাও। আমি বললুম ভালোই তো। তুতি রেগে গেল তখন ভগবান। মাথায় ঝাঁকুনি দিয়ে ভেংচে বোললে ভালোই তো। তোরা বেটাছেলেরা একটু হিসেব করে কথা বলতে জানিস না। বৈকুনঠো হাঁচু যত-সব বোসটোমদের আড্ডা। নারায়ন মাছ মাংস খান না নক্ষী-সরোস্‌সতি মাছ মাংস খান না। হেঁসেলে একেবারে আঁসের পাটই নেই। ঠাকুমা বুড়ির কি দশা হবে একটু ভেবে দেখতো। নারায়নের ছুতগুনোর সঙ্গেও একটা জেলে নেই একটা মালা নেই। না হয় নুকিয়ে আনিয়ে নিয়ে আলাদাই নিজের ব্যাবোসথা করিয়ে নিতো। যেমন দাদারা বাইরের ঘরে ডিম আনিয়ে এস্টোভে ব্যাবোসথা করে নেয়। এমন বৈকুনঠে গিয়ে লাভটা তো বড়ো। তারপর ঠাকুরদাদা যাবে, তারপর বাবা যাবে মা যাবে তারপর আমরা এক এক কোরে যাবো। মানক্ষী রেঁদে খাওয়াবেন কি না আনুভাতে ডাঁটা চচ্চড়ি তেঁতুলের অমবোল। এবেলা ওবেলা। যে যতো পারো খেয়ে যাও। তোর সাদ হয় এমন বৈকুনঠে ঘাস। গুসটি শুছ।

পোস্তুর চিঠি

বোসে থেকে থেকে তুতির চোখ দিয়ে জল গড়িয়ে পড়তে লাগল।
ভগবান তাই তোমায় লিখতে বসেচি। তোমার বৈকুনঠো খুবই
ভালো খুবই ভালো—অমন ভালো আর কিছু নেই। কিনতু তুতির
ঠাকুমা যখন মারা যাবেন তুমি বৈকুনঠের ছত না পাঠিয়ে কৈলেশের
ছত পাঠিয়ে দিও ভগবান। সেখানেও ওবিস্তি শিব ঠাকুরের জন্তে
নিরিমিস রান্নারই ব্যাবোসথা তবে মা ছুগ্গা তো বোসটোম নন তাঁর
হেঁসেলে মাছও আছে মাংসও আছে। কাজ নেই অত থিরনোনির।
শিবঠাকুর ভিক্ষে কোরে খুদকুঁড়ো যা আনবেন তাইতেই চলে যাবে
তুতির ঠাকুমার। তার সংগে রোজ মুড়ো না থাকে আঁশের গনদোটুকু
তো থাকবে ভাগবান।

ইতি—

দাস—প্রণব।



ভগবান

তোমার পাঁটারদের ওপর কত দয়া । কত্তো দয়া ।

মানুসদের সগগে যাবার জনে কতো তো কসটো করতে হয় ?
ছেলেমানুসদের বাপমায়ের কথা শুনতে হয়, খেলার কুড়ুল দিয়ে
বাগানের গাচ কেটে ফেলে বলতে হয় আমিই কেটেছি । মেয়েদের
কতো কসটো করে পতিভোকতি করতে হয় । বড়দের নৈবিড়ির



কথা না ভেবে ঠাকুর পূজো করতে হয় । মুনিদের চারিদিকে আগুন
কোরে তোপিস্ত্রো করতে হয় । তবে তো মরে গেলে সগগে যায় ?

পোন্নুর চিঠি

পাঁটারদের তো ওসব কিছু করতে হয় না ভগবান। নাপিয়ে কুদিয়ে যা ইচ্ছে তাই কোরে বেড়ালো। কারুর বেগুন চারা মুরিয়ে দিলে, কারুর কচি সাগ খেয়ে ফেললে, কারুর উঠোনে ঢুকে সোসটি পুজোর খই ছড়িয়ে কলা নিয়ে পালালো। যেন ধরাটাকে সরা দেখে বেড়াচ্ছে, তবুও কত ভালোবাসো ওদের। একটুও পাপ দাও না তো। তারপর ছুগগা পুজো এল কালি পুজো এল। হাঁড়িকাট পোতা হোল। তারপর কাঁসর ঘণ্টা বাজল তারপর সেকরার ঠুকঠাক কামারের এক ঘা। ভ্যাঁ কচ। তক্ষুনি উদিকে সগগ থেকে বিশটুতুত রথ নিয়ে এল কত বাজনা বাদি কোরে সোজা একেবারে ইন্দ্রের সভায় নিয়ে গিয়ে উপোসথিত। কত জন্ম ঘুরে পাঁটা হয়ে জন্মেছিল তো। আবার যে দেবতাকে সেই দেবতা। পাপ না কচু! গিয়ে দেখো দিব্যি মালা-গলায় দিয়ে অমিরতি খাচ্ছে।

কত দয়া করে তুমি চমৎকার ব্যাবোসতা কোরে দিয়েছিলে ভগবান। কন্তো ভালোবেসে। তা যা চারপো কলি পড়েছে। লোকে কি আর সে ব্যাবোসতা দেবে টেকতে? সেই কথাই তোমায় নিকচি ভগবান।

আমাদেরও ভুট্টার এবার সগগে যাবার কথা ছিল। ভুট্ট হচ্ছে আমাদের রামছাগলী সৈরুতির ছানা ভগবান। তিনটি হয়েছিল তা দুটি তো শেয়ালের পেটে গেল। ইনিও যেতেন তা মাসিমা তাড়াতাড়ি মাকালির নামে মানত করিয়ে দিলেন। যেমন ছানা দুটোকে শেয়ালে নিয়ে গেল, তেমনি আবার এই সময় সিঁড়ি দিয়ে নাবতে গিয়ে ঠাকুরদাদা পা মচকে সজ্যোসারী হলেন তো। মাসিমা তারকেসর থেকে ফিরে মার সংগে দেখা করতে এসেছিলেন। খুব সেয়ানা মেয়েমানুষ তো।

পোহুর চিঠি

বললেন—কাতু, দেখচিস কি পোড়া শেয়ালে কচি পাঁটার সদ পেয়েচে। উটিকেও সরাবে, তার চেয়ে তাউই মশাইএর পা মচকেচে তুই ওটাকে মা কালির কাছে মানৎ করে দে। তোর পাঁটাও বেঁচে যাবে, ওঁর পাটাও সিগগির সিগগির সেরে যাবে। পাঁটা না বাঁচে শেয়ালের গেরাস থেকে মা কালি নিজের ধন না বাঁচাতে পারেন, পায়ের মচকানিটা তো সারিয়ে দিতেই হবে। অধম্ম তো করতে পারেন না জগজ্জননি হয়ে।

বিধবা মানুষ তিথিধম্ম নিয়েই থাকেন মাসিমা এসব খুব বোঝেন তো। ওই করলেন মা। এক বছর পরে আবার সিদিন মাসিমা পুসকর তিথে মাথা মুড়িয়ে এলেন তো। সে সময় ঠাকুরমার তিন দিন থেকে পেটে বেদনা হয়ে এখন-তখন। মা মাসিমাকে জিগগেস করলেন দিদি সৈরুভির তিনটে বাচ্চাই এবার বেঁচে গেছে একটাকে না হয় মা ছুগ্গার নামে মানৎ করে দি? মা সেরে উঠুন তাড়াতাড়ি। মাসিমা বললেন এই বুদ্ধি নিয়ে তোমরা চালিয়েচ সংসার। তিনটি পাঁটা হয়েছে মসতো বড় সমপত্তি। লুটিয়ে দি। কেন ঐ পাঁটাটার কি হয়েছে? মা বললেন ওটা আর বছর মাকালিকে মানৎ করলুম না? মাসিমা বললেন—তা আর বছর থেকে এ বছর এই এক বছরের একটা পাঁটা হোল তো? আবার ঐটেকেই এ বছর থেকে আসছে বছর পজ্জন্ত আবুইমার নামে মানৎ করে দে। হোল না তোর ছ বছরের ছটো পাঁটা? তবে মা ছুগ্গার নামে নয়। ছুই সতিন তো। ঝগড়া বাধিয়ে আবার অনথ কোরে বসিস নে যেন। ঐ মাকালির নামেই দে মানৎ করে।

বড় বোনই তো। এলোধাবারি খরচ করে। হিসেব বোঝে না

পোন্নুর চিঠি

বলে খানিকটা ধমকও দিলেন মাকে । উনি তিথিধর্ম নিয়েই থাকেন
সাদু সন্নিসি দেখে বেড়াচ্ছেন, ওঁর কথার উপর ঠাকুরমা ঠাকুরদাদা
বাবা মা কেউই তো কথা কন না । ভুট্টকে ওবারই বলি না দিয়ে
আবার মাকালির জন্মে জিয়ে রাখা হোল ।

কি চমৎকার যে হয়েছে ভুট্টটা তোমায় কি বলব ভগবান ।
ইয়া লাস এই নিটোল সরির, গায়ে মাচি বসলে পিচলে পড়ে ।
তুমি একদিন মাচির রূপ ধরে দেখেই যেওনা বিসমাস না হয় তো ।
দাদা একদিন হাত পা বেঁধে সরজু সিংএর কয়লা ওজন করবার
পাল্লায় চড়িয়ে দেখলে না ? পাককা ন সের । তা হবে না কেন
ভগবান ? একে রামছাগল তাতে এক বছর আরও বেড়ে গেল তো ।
সরিরের কথা ছেড়ে দাও, ওর এক একটা ঠাংয়ের ওজনই হবে
তিন সের করে চার সের করে । আর আমরা সেবাও তো খুব করি ।
কোথায় কচি ঘাস রে, কোথায় কুঁড়ো রে, কোথায় ছোলা রে চোপোর
দিন তো জুগিয়েই যাচ্ছি । আমি তুতি, বাঁটুল, মিনু সবাই আমরা ।
তুতি বলে যতো খাওয়াবি তত মাল ছাড়বে সগগে যাবার সময় ।
মরে গেলে আরও ভারি হয়ে যায় তো ? তখন ঐ ন সের আঠারো সের
হয়ে যাবে । কবজি ডুবিয়ে খাবি । তুতিটা যেন কি ভগবান । ওরকম
করে কখনও খাব খাব বলতে আছে ? মহাপ্লেসাদ নয় ? আর পাঁটারী
তো দেবতাও । বলিদানের পর সগগে গিয়ে যখন টেরটি পাওয়াবেন
তখন বুঝবেন বাছাধন । আমার কি ? আমার তো ভুট্টকে দেখে মুখে
নালও আসে না কিচ্ছু না । আসতে আছে কখনও ভগবান । হিঃ !

কিন্তু সগগ আর কোথায় যেতে পাচ্ছেন ভগবান ? বলিদান
নিয়ে যে গোলমাল বেঁধে গেল ইদিকে ।

পোতুর চিঠি

আর বছর থেকেই শুরু হয়েছিল গোলমালটা। তা শেষ পর্যন্ত একরকম করে সামলে গেল। যারা বলেছিল কালিপুজোয় বলিদান হতে পাবে না বোসটোম পাটির দল তারা তো একরকম জিতেই গিয়েছিল মিটিংএ। শেষকালে পেসিডেন্ট নিজের ভোট দিয়ে তাদের কুপোকাৎ কোরে দিয়ে সেই বলিদান কায়েম রাখলেন তো।

এবার কিনতু কোন আশা নেই ভগবান, তাই ভুটুর জন্মে ভয়ংকর মনটা খারাপ হয়ে আছে। তাই তোমায় তাড়াতাড়ি চিঠি নিখতে বসেচি। আহা অবোলা জীব ও কি অতশত বোঝে তোমাদের সাকতো পাটি আর বোসটোম পাটি বাপু? কত জন্মের পাপে এই ছাগল হয়ে জন্ম, আর কেন ওকে ভালোয় ভালোয় যেতে দাও তোমরা। কি কসটো যে হচ্ছে আমাদের ভুটুটার জন্মে ভগবান। আমার বাঁটুলের মিনুর তুতির বিগুর সবার। বাঁটুলের দিদিমা আবার ঐটুকু বয়েসেই ওর পৈতে দিয়ে দিলে তো কালিঘাটে নিয়ে গিয়ে। এক বছর আবার ব্রেস্ক-মাংস খেতে পাবে না। ভুটুর এক আধ টুকরো মহাপ্লেসাদের দিকে হাঁ করে চেয়ে ছিল বেচারি। তা সে আশায় বুঝি জলানজলি দিতে হোল। বলিদান হোলে তবে তো মহাপ্লেসাদ। তা তোমায় বললুম না? সে বলিদান তো এবার বনদো হতে চলল। পেসিডেন্টই তো নিজের ভোট দিয়ে গেল বছরে বসটোম পাটির ওদের হারিয়ে বলিদানটা কোন রকমে রাখলেন। তা সেই পেসিডেন্টই তো এবার উলটে গেছেন। এবার একেবারে বোসটোম পাটির দলের দিকে। খাওনা কত খাবে সবাই আক আর চালকুমরোর বলিদান।

আহা পেসিডেন্টেরই বা দোষ দি কি করে ভগবান? ওবিসসি

পোন্সুর চিঠি

ভুটে সগগে যেতে পাবে না বলে রাগ আমার খুবই হচ্ছে তবে ছুখখুও তো হয়। ওঁর নাতি বিমল আমাদের কেলাসে পড়ে তো, সেই বলছিল। বিমল খুব ছুখখু করে বললে ভাই পোন্সু সবাই তো বলে দাছ একেবারে ডিগবাজি খেয়ে মাংসখোরদের দিক থেকে মালপো-খোরদের দিকে চলে গেল এবার। তা তুই বিচার করে দেখনা দাছর আর গরজটা কি? আর বছর যে ওদের জিতিয়ে দিলে নিজের ভোটটা দিয়ে তা আর বছর পজ্জন্তু নিজের সাতটা দাঁতও তো ছিল। ওপরে চারটে নিচে তিনটে। তা মাকালির যদি তাই ইচ্ছে তো একেবারে সব কটি নিশ্বুল করে দিতে গেলেন কেন? মাত্তোর ছুটি ছেড়ে দিয়েচেন তাও স্নুছ ওপরে। তারা মাংস চিবুবে কি একটু অসাধন হলে নিচের মাড়িটাকে পেঁট পেঁট করে স্নুছ বিঁদতে আছে। এই তাদের কাজ। যে দাছ অত করে নিজের ভোট দিয়ে মার জন্মে বলিদানটা বজায় রাখলেন লুভিস্টি বুড়ো বলে চারিদিকে কত ঠাট্টাও উঠল, তার প্রতি মার এই বিচার হোল? তুই বলনা ভাই পোন্সু। নইলে যে দাছ আমার এক সময় বলিদান দিয়ে নিয়ে গিয়ে একটা আসতো মহাপ্লেসাদ একলা খেয়েচে, সে আজ চালকুমরোদের দলে যেতে চাইচে। অভিমান হয় না মাকালির ওপর?

আমি তবুও একটু বললুম ভগবান। ভুটুর কথা ভেবে রাগও তো হচ্ছিল। বললুম কেন আজকাল বেশ ভালো করে বাঁদাতেও তো পারা যাচ্ছে দাঁত। তোর দাছ জমিদার মানুষ একেবারে কলকাতার সায়েবি দোকান থেকে বাঁদিয়ে আনতে পারে তো। বিমল বললে তাতো এনেচেই। দাছ কি বসে আছে? তবে সে ভগবানের দাঁত আর এ চিনেবাড়ির দাঁত। এক হয় কখনও? কলকাতার ঠিয়েটার

পোন্মুর চিঠি

দেখে এসে তোর এখানকার জেলেপাড়ার যাত্রা দেখে মন উঠতে পারে ?

মরুক গে কারুর ঘরের কথায় থাকতে আছে ভগবান ? কার দাঁত আছে কার দাঁত নেই তার সংগে আমার কি সমপরকো বলে না । আমার ছুখু ভুটুর বুঝি আর হোল না সগগে যাওয়া । ছুচর হয়ে গেল । এখনও কোন রকমে বুদ্ধিমান আছে এর পর বোকা পাঁটা হয়ে যাবে তো । গায়ে বিটকেল গনদো ওকে কি আর সগগের তিসিমানার মধ্যে ঢুকতে দেবে দেবদুতেরা ভগবান ?

এবারে বোসটোম পাটিরা জিতবেই ভগবান । সুছ যদি তুমি দয়া করে ওবিনেস হাজরাকে জিতিয়ে দাও তো সামলায় এবারটা । সেই কথা বলতেই এই চিঠি নিখতে বসেচি এত কসটো করে তাড়াতাড়ি ।

আজ আমাদের বৈঠকখানায় কালিপুজোর রিহারসেল বসেছিল ভগবান । ঠিয়েটার হবে তো চন্দ্রো গুপতোর ডি এল রায় । কাকে কোন পাট দেওয়া হবে তাই ঠিক করবার জন্মে আজ রিহারসেল বসেছিল । রিহারসেল আর বসবে কি ছাই বলিদান ভালো কি মনদো তাই নিয়ে তর্ক বেধে গেল । আজকাল যেখানেই যাও ঐ কথা তো ।

বাঁটুলের দাদা রঘুদা বললে কালিপুজো করতে যাচ্চ তাতে পাঁটার নাম গনদো নেই এ পুজো পুজোই নয় । মাকালিকে ওদিকে চটিয়ে ছেঁড়া সিনের সামনে দাসুর হাত পা ছাতরানো ওরিএনটাল নাচ দেখিয়ে কাজ আদায় করবে সে ভাঁওতায় ভোলবার মেয়ে নয় তিনি । সুতরাং যেমন বলিদান তুলে দিচ্ছ সবাই তেমনি ঠিয়েটারও দাও তুলে । অনতোতো সম্মা তো নেই এর মধ্যে । খাঁড়া কোথায়

পোতুর চিঠি

একটু বেধে গেল তাইতেই চটে খুন সামাল সামাল রব উঠে যায় আর এ একেবারে মূলে হাবাত বলিদানই বনন্দো। কে এ ঝনঝাটের মধ্যে থাকতে যাবে বাবা ?

দাস্ত বললে বলিদান মানে কি বল দিকিন ? ভারি তো টিকি তুলিয়ে চানক্য পোনডিতের পাট করতে যাচ্চিস। বলিদান মানে বেচারি ছাগলির বাচ্চাটাকে টেনে নিয়ে এসে কোপ দেওয়া না ? তার তো কেউ বলবার নেই।

বিশুর ছোট কাকা সতু বললে, ভারি তো মানে বাংলাতে বসেচিস আর সাসতোর দেখাচ্চিস। মার সামনে ঐ একটা কোপের দাম জানিস ? একেবারে বৈকুনঠো। হুজুগে মেতে বনন্দো করতে যাচ্চিস, ইদিকে পেটে বোমা মারলে তো এক অকখর সংস্কৃতো বেরোয় না। পুরুত-মশাইকে জিগ্যেস করগে যা বুঝিয়ে দেবে তারপর তক্ক করতে আসিস।

দাস্ত বললে—পুরুতমশাইকে বৈকুনঠে পাঠিয়ে দে না। দক্ষিণে কাপড় চোপড় নৈবিজি কিছুই দিতে হবে না।

তুতির দাদা গোজুদা বললে তার চেয়ে সগগে ওর ঠাকুরদাকেই দিক না পাটিয়ে হাঁড়িকাটে ফেলে। বুড়ো মানুষ আজ বাত তো কাল অমলোস্থল তো পরশু হাঁপানির টান তার চেয়ে দিবিব ইনড্রোসভায় তাকিয়া ঠেসান দিয়ে গড়গড়া টানবে আর উবোসির নাচ দেখবে।

গোজুদার সংগে সতুকাকার বড্ড ঝগড়া তো কে ভালো মেয়ের পাটটা নেবে তাই নিয়ে। সতুকাকা চটে উঠল খবরদার বাপ ঠাকুরদা তোলবি নি গোজু। ভালো হবে না।

পোন্মুর চিঠি



আমার দাদা সেকরেটারি তো অত ঝগড়া চায় বললে বাপের কথা তো বলেনি তুমি টেনে আনচ কেন ?

সতুকাকা বললে বাকিটা কি রাখলে হিরুদা। ঠাকুদা হোল বাবার বাবা। আমি ওর জিভ টেনে নোব।

গোজুদা বললে। নে, জিভ টানে সব মেয়া।

এর পর যেমন অন্ন অন্ন দিন হয় ভগবান। এর দিক থেকেও একে-বারে অনেক জনে হৈ-হৈ করে চৈচিয়ে উঠল—রঘুদা, নরুদা, জিতেন, নিবারণ, যতে লাট আরও অনেক সব। ওর দিক থেকেও অনেক জনে হৈ-হৈ করে চৈচিয়ে উঠল। বেঁটে আশু, দাসুদা পচা গোবরদা বিধু আরও অনেক সব। তারপর কেউ কেউ দাঁড়িয়ে উঠল। তারপর কেউ কেউ জামার আসতিন গোটাতে আরম্ভ করলে তারপর আমরা খড়খড়ি দেওয়া জানলার বাইরে ছুকিয়ে দাঁড়িয়ে মনে মনে বলছি হে ভগবান যেন লেগে যায় অহিংস আন্দোলন যেন লেগে যায় অহিংস আন্দোলন এমন সময় ওপাড়ার মজুমদার মশাই এসে বললেন কৈ হে হিরু আচো ? এই যে রয়েচ দেখচি একবার উঠবে, তোমার সংগে বিসেস দরকার আছে একটু। দাদা জিগগেস করলে দেরি হবে মজুমদার মশাই ? মজুমদার মশাই বললেন তা একটু হবে। দাদা এদের বললে তাহোলে আজ না হয় বনদোই থাক। মজুমদার মশাই সবার দিকে চেয়ে হেসে বললেন এত কাচাকাচি এসে বনদো থাকবে ? বাইরে থেকে যেমন গুনছিলুম মনে হোল তো আরম্ভ হয়ে গেছে যুদ্ধের সিন। বুঝি ফাঁকি পড়লুম। উনি আবার খুব আমুদে মানুষ তো।

ঝগড়া একবার এই রকম আচমকা বনদো হয়ে গেলে আবার

পোন্মুর চিঠি

কি কোরে কোন কথা বলে আরম্ভো করতে হবে সব সময় খুঁজে পাওয়া যায় না তো ভগবান। একটু নজ্জা নজ্জাও করে। ওরা এক এক করে উঠে গেল। নিবারণ উঠে যাচ্ছিল, রঘুদা বললে একটু বসবে না নিবারণ। এক সংগে যেতুম। একটু চোখ টিপেও দিলে। নিবারণ যতে লাটকে বললে তাহলে যতিন একটু দাঁড়িয়ে যান। একটু চোখ টিপেও দিলে। যতে লাট নোৰুকে বললে নোৰু চললি নাকি? বলে আবার ওদের মতন একটু চোখ টিপেও দিলে, সতুকাকা সিগারেট ধরিয়ে পেছন ফিরে চলে যাচ্ছিল তো? জুতো পরতে পরতে এদের দিকে চাইতে এরা সবাই মিলে চোখ টিপে দিলে। সতুকাকা আবার জুতো ছেড়ে এসে বসল। ততক্ষণে আর সবাই চলে গেছে তো। একটু এদিক ওদিক চেয়ে জিগ্যেস করলে কি ব্যাপার? রঘুদা বললে মজুমদার মশাই যখন এসেছিল তখন একটা কিছু ব্যাপার আছেই। ও আবার আজকাল ওবিনেশ হাজরার দিকে ভিড়েচে তো। একটু বসেই যাও না, হিরুদা আসুক। আমায় টিপেও দিয়ে গেল। বরং তাসটা পাড়না ততক্ষণ। এক হাত হোক।

দাদা অনেকক্ষণ পরে এল ভগবান। তারপর একবার সবার দিকে চেয়ে বললে তোরা সবাই এদিককারই তো দেখচি। তাহলে শোন। ওবিনেশ হাজরা এবার পেসিডেন্ট হতে চায় চৌধুরি মশায়ের সংগে টেকা দিয়ে। আরও অনেক কথা বললে ভগবান। আরও চুপি চুপি। চোরা বাজারে টাকা করে এখন একটু শক হয়েছে। ওকে ভালো করে ছুইতে হবে। আরও অনেক কথা ভগবান।

আমার যে কি কসটো হোচ্ছিল ভগবান তোমায় কি বলব। সন্তি সন্তি সন্তি। এই তিন সন্তি গালচি। কিন্তু আমি কি করব?

পোন্নুর চিঠি

আমায় যে সবাই পেছন থেকে চেপে ধরেচে ছুসটুমি করে শোনবার জন্মে। বাঁটুল, বিগু, মিলু খুদে তুতি। আমি চোঁচালে ওরা আবার ধমক খাবে তো, পরের ছেলে আমাদের বাড়ি এসে। তার ওপর তুতিকে আবার আমি লব করি তো। বড় হলে বিয়ে করব।

দাদাদের অনেক কথা হোল ভগবান। অত কথা তোমায় নেখবার সময় নেই আর ঘোঁরার প্রবনধো তো অনেক বড় হয় না। দাদাকে তাই বলচি কিনা। তোমার সব শোনবার দরকারও নেই। ওবিনেশ হাজরাকে পেসিডেন্ট করলে বলিদানের ব্যাবোসতা একেবারে পাকা। চৌধুরী মশাইকে ডাউন করতে পারলে ওঁর সঙ্গে চারজন বেরিয়ে যাবে। ওঁর চারজন মোসায়েব যাদব পাল, রমেশ চৌধুরি সতিনাথ আর বেজেন রায়। তেমনি ওবিনেশ হাজরা এলে ওর চারজন মোসায়েব এসে বসবে তাদের জায়গায়। তোলো তোমরা কি করে বলিদান তুলবে। আর ওবিনেশ হাজরা বলেচে পাকা এসটেজ করে দেবে। মেয়েদের বসবার জায়গাটা বাঁধিয়ে দেবে। দাদারা ঠিক করেচে ওর ভোটের জন্মে উঠে পড়ে লাগবে।

লোকে বলবে দেখেচ টাকার লোভে চোরাবাজারীর দিকে ঢলল সবাই। তা বলুক গে লোকে সব রকম বলে। তেমনি দাদাদেরও তো বলবার মুখ আছে—তোমাদের চৌধুরি মশায়ের যত দিন দাঁত ছিল ততদিন কালিপুজো। দাঁত গেল তো রাতারাতি তার জায়গায় কেসটো ঠাকুরটিকে এনে বসিয়ে দিয়ে বোসটোম বনে গেল? পুজো না খেলা?

তাই তোমায় তাড়াতাড়ি লিখতে বসেচি ভগবান। ওবিনেশ হাজরাকে জিতিয়ে দিও। চৌধুরি মশাই যদি চেসটা করতে যায় ওঁর

পোন্ধুর চিঠি

ঐ ছটো দাঁতে এমন জনত্রোনা লাগিয়ে দিও যে যেন টের না পান
কোথায় দিয়ে কালিপুজোটা গেল বেরিয়ে।

আহা দিও গো দিও। নৈলে আমাদের ছুঁখি ভুটের এ জন্মে
[আর সগগে যাওয়া যে হবে না ভগবান।

ইতি—

দাস—প্রণব

